

四庫全書

子部

欽定四庫全書

子部

證治準繩卷九十六

詳校官太醫院醫士_臣趙正池

編修_臣倉聖脈覆勘

總校官進士_臣朱 鈐

校對官助教_臣卜維吉

謄錄監生_臣何繼盛

欽定四庫全書

證治準繩卷九十六

明 王肯堂 撰

幼科

肺臟門

肺

錢主喘 實則悶亂喘促有飲水者有不飲水者

虛則哽氣長出氣 肺病悶亂哽氣長出氣氣短喘急

肺熱手搯眉目鼻面甘桔湯主之 肺盛復有風冷

胃滿短氣氣急喘嗽上氣當先散肺後發散風冷散肺

瀉白散大青膏主之肺只傷寒則不胸滿 肺虛熱唇

深紅色治之散肺虛熱少服瀉白散 肺臟怯唇白色

當補肺阿膠散主之若悶亂氣麤喘促哽氣者難治肺

虛損故也 脾肺病久則虛而唇白脾者肺之母也母

子皆虛不能相營故名曰怯肺主唇白而澤者吉白如

枯骨者死

此以唇診肺之法也唇白色者肺臟怯也阿膠散主之若手尋衣領及亂捻物者肝熱也

宜瀉青丸手搯眉目鼻面者肺熱也宜甘桔湯之類是也

肺病見春金旺肺勝肝

也當瀉肺輕者肺病退重者目淡青必發驚更有赤者

當摘

海藏云為肝怯故目淡青也

潔肺主燥自病則喘嗽燥則潤

之實則喘而氣盛瀉白散主之虛則喘而少氣先

益黃散後阿膠散主之心乘肺賊邪熱而喘嗽先地

黃丸中導赤散後阿膠散主之肝乘肺微邪惡風眩

冒昏憤嗽羌活膏主之腎乘肺實邪增寒嗽清利百

部九主之脾乘肺虛邪體重吐痰泄瀉嗽人參白朮

散主之 劉凡肺之得病必先觀心脾二臟之虛實若
心火燍金即當先抑心氣後吃肺藥若心氣和即便看
脾脈若脾氣虛冷即不能相生而肺家生氣不足則風
邪易感故患肺寒者皆脾虛得之若脾氣盛實則亦痞
隔中焦而大腸與肺表裏不能相通夫中焦熱隔則肺
與大腸不通其熱毒之氣必上蒸於肺而生痰故患肺
熱者多脾實得之心氣盛者瀉之脾氣虛者益之脾氣
實者通之然後隨其肺之寒熱以治之故有抑心氣益

脾氣通肺氣三藥若診其脈氣心脾兩臟俱和而肺自
生疾則但察肺家虛實而治之

薛肺經鬱熱用瀉白散肺氣自虛用四君子湯外邪所
乘用參蘇飲心火炎燥用人參平肺散中焦實痞用大
承氣湯脾不能生肺用異功散夫肺氣盛者肺中之邪
氣盛也其脈右寸必浮而有力宜用瀉白散以瀉之若
肺虛而有熱者執肺熱還傷肺之說而不用人參則誤
矣仍參其證治之

薛肺苦氣上逆急食苦以瀉之訶子皮一作黃芩肺
欲收急食酸以收之白芍藥以酸補之五味子以
辛瀉之桑白皮肺虛以五味子補之如無他證錢氏
補肺阿膠散主之虛則補其母脾乃肺之母以甘草補
脾

阿膠散

錢氏

又名補肺散

阿膠

一兩半
麴炒

黍粘子

炒香

甘草

炙各二錢半

馬兜鈴

半兩
焙

杏仁

七箇去
皮尖炒

糯米

壹兩
炒

右為末每服一二錢水一盞煎至六分食後溫服

海杏仁本瀉肺非若人參天門冬麥門冬之補也當
以意消息之 薛前方乃通治肺金之劑經云虛則

補其母若前藥未應當用五味異功散以補脾

海肺實以桑白皮瀉之如無他證以瀉白散主之實則
瀉其子腎乃肺之子以澤瀉瀉腎

瀉白散

錢氏

又名瀉肺散

桑白皮

細剉
炒黃

地骨皮

洗去土焙
各一兩

甘草

炒半兩

右件為末每服一二錢水一中盞入粳米百粒同煎至六分食後溫服 海治肺熱骨蒸自汗宜用此直瀉之用山梔黃芩方能瀉肺但當以氣血分之

甘桔湯

方見咽喉

大青膏

羌活膏

俱見驚搐

四君子湯

方見

雜病虛勞

參蘇飲

雜病發熱

人參平肺散

雜病咳嗽

百部丸

方見

咳嗽

人參白朮散

咳嗽

內經曰五臟六腑皆令人咳非獨肺也皮毛者肺之舍

也皮毛先受邪氣邪氣聽從其令也五臟之欬久乃移於六腑又病 式要云欬謂無痰而有聲肺氣傷而不清也嗽謂無聲而有痰脾濕動而為痰也欬嗽謂有聲有痰也因傷肺氣動於脾濕故咳而嗽也又生氣通天論云秋傷於濕冬必咳嗽大抵素秋之氣宜清而肅反動之則氣上衝而為咳嗽甚則動於脾濕而為痰也蓋風乘肺者日夜無度汗出頭痛痰涎不利熱乘肺者急喘而嗽面赤潮熱手足寒冷小兒多有之火乘肺者咳

嗽上壅涕唾出血甚者七竅血溢燥乘肺者氣壅不利
百節內痛頭面汗出寒熱往來皮膚乾燥細瘡燥痒大
便秘澀涕唾稠粘寒乘肺者或因形寒飲冷冬月睡卧
濕地或受冷風春秋之氣或因外感夏是火氣炎上最
重秋是濕熱傷肺冬是風寒外來也宜各隨其證而治
之

錢氏法 夫嗽者肺感微寒八九月間肺氣大王病嗽
者必實非久病也其證面赤痰盛身熱法當以葶藶丸

下之若久者不可下也 十一月十二月嗽者乃傷風
嗽也風從背脊第三椎肺俞穴入也當以麻黃湯汗之
有熱證面赤飲水涎熱咽喉不利者宜兼甘桔湯治之
若五七日間其證身熱痰盛唾粘者以褊銀圓下之
有肺盛者欬而後喘面腫欲飲水有不飲水者其身即
熱以瀉白散瀉之 若傷風咳嗽五七日無熱證而但
嗽者亦葶藶圓下之後用下痰藥 有肺虛者欬而哽
氣時時長出氣喉中有聲此久病也以阿膠散補之痰

盛者先實脾後以褊銀圓微下之涎退即補肺補肺如
上法 有嗽而吐水或青淥水者以百祥圓下之 有
嗽而吐痰涎乳食者白餅子下之 有嗽而咯膿血者
乃肺熱食後服甘桔湯 久嗽者肺亡津液阿膠散補
之 欬而痰實不甚喘而面赤時飲水者可褊銀圓下
之 治嗽大法盛即下之久即補之更量虛實以意增
損 杜氏子五歲自十一月病嗽至三月未止始得嗽
而吐痰乃外風寒蓄入肺經令肺病嗽而吐痰風在肺

中故也宜以麻黃散輩發散後用涼藥壓之即愈時醫
與珠粉丸半夏丸褊銀丸諸法下之其肺即虛而嗽甚
至春三月間尚未愈名錢視之其候面青而光嗽而喘
促哽氣又時時長出氣錢曰病困十已八九然所謂面
青而光者肝氣旺也春三月者肝之位肺衰之時也嗽
者肺之病肺自十一月至三月肺即虛痿又數下之脾
肺子母俱虛復為肝所勝此為逆也故嗽而喘促哽氣
長出氣也錢急與瀉青丸瀉之後與阿膠散實肺次日

面青而不光錢又用補肺而嗽如前又與瀉肝未已而
又加肺虛唇白如練錢曰此病必見不可治之何者肝
大旺而肺虛絕肺病不得時而肝勝之今三瀉肝而肝
病症不退三補肺而肺病尤虛此不久生故言死也此
證病於秋者十救三四春夏者十難救一果大喘而死
京東轉運使李公有孫八歲病嗽而胃滿短氣醫者
言肺經有熱用竹葉湯牛黃膏各二服治之三日加喘
錢氏曰此肺氣不足復有寒邪即使喘滿當補肺脾勿

服涼藥李曰醫已用竹葉湯牛黃膏錢曰何治也醫曰
退熱退涎錢曰何熱所作曰肺經熱而生嗽嗽久不除
生涎錢曰本虛而風寒所作何熱也若作肺熱何不治
其肺而反調心蓋竹葉湯牛黃膏治心藥也醫有慙色
錢治愈東都張氏孫九歲病肺熱他醫以犀珠龍麝
生牛黃治之一月不愈其證嗽喘悶亂飲水不止全不
能食錢氏用史君子九益黃散張曰本有熱何以又行
溫藥他醫用涼藥攻之一月尚無效錢曰涼藥久則寒

不能食小兒虛不能食當補脾候飲食如故即瀉肺經病必愈矣服補脾藥二日其子欲飲食錢以瀉白散瀉肺遂愈十分張曰何以不虛錢曰先實其肝然後瀉肺故不虛也

潔古法 肺之生病而成嗽大抵秋冬則實春夏則虛更詳五臟兼見之證以辨虛實若實則面赤飲水身熱痰涎盛涕唾稠粘咽乾不利喘嗽面腫吐食皆當先補脾益黃散後瀉肝瀉青丸若咯膿血是肺癰也用清肺

散治之若虛則面白脫色氣少不語喉中有聲唾痰清

利法當阿膠散補之若亡津液用白朮散主之嗽而

兩脇痛者屬肝經用小柴胡湯

發熱

咳而嘔苦水者屬

膽經用黃芩半夏生薑湯咳而喉中如梗者屬心經用

甘桔湯咳而失氣者屬小腸用芍藥甘草湯咳而右脇

痛者屬脾經用升麻湯咳而嘔出蟲者屬胃經用烏梅

丸咳而喘息吐血者屬肺經用麻黃湯咳而遺尿者屬

大腸用赤石脂湯咳而腰背痛甚則咳涎者屬腎經用

麻黃附子細辛湯咳而遺尿者屬膀胱用茯苓甘草湯咳而腹滿不欲食面腫氣逆者屬三焦用異功散

吐瀉

曾氏法 咳嗽者固有數類但分冷熱虛實隨證踈解初中時未有不因感冒而傷於肺內經曰肺之令人咳何也岐伯曰皮毛者肺之合也皮毛先受邪氣邪氣得從其合故難經云形寒飲冷則傷肺使氣上而不下逆而不收衝壅咽膈淫淫如痒習習如梗是令嗽也乍暖脫着暴熱過風邪氣侵於皮膚肺先受之而為咳嗽若

初得時面赤唇紅氣麤發熱嗽來痰鳴此是傷風壅痰

作嗽用清肺飲五拗湯及小柴胡湯羌活散

傷寒

皆可解

表次青木香湯

陰腫

有小兒汗出未乾遽爾戲水亦致

傷風咳嗽外證眼胞微浮額汗痰鳴亦宜清肺飲瀉肺

湯與之疎風化痰解利邪熱小柴胡湯亦可 若嗽日

久津液枯耗肺經虛矣肺為諸臟華蓋卧開而坐合所

以卧則氣促坐則稍寬乃因攻肺下痰之過名為虛嗽

聲連不斷喉中痰鳴氣息欲絕嗽罷則吐白沫或乾嘔

此肺虛而氣不順也面唇皆白而慘嗽過額上多汗哽

氣長出乳食減少致脾虛而胃亦虛宜其有吐投茯苓

厚朴湯

吐

及藿香飲

不乳食

次溫脾潤肺理中湯

吐

加杏

仁北五味子水煎服蓋此藥補脾而益肺藉土氣以生

金則自愈矣或嗽而頰紅有紫黯色於理中湯內再加

乾薑為用亦良法也有脾虛亦能作嗽當投補劑用

醒脾散

慢驚

茯苓厚朴湯

吐

令脾氣實然後間以清肺飲

煎服疎解肺經風寒及藿香飲助脾養胃亦救子益母

之法也 有一證咳嗽至極時頓嘔吐乳食與痰俱出
盡方少定此名風痰壅盛肝木尅脾土宜以白附飲吐
投之即效

薛氏法 若咳嗽流涕外邪傷脾也先用參蘇飲喘嗽

面赤心火刑肺也用人參平肺散及六味地黄丸腎嗽

而吐青綠水肝木乘脾也用異功散加柴胡桔梗嗽而

吐痰乳脾肺氣傷也用六君子加桔梗若嗽唾膿痰者熱

蘊於肺而成肺癰也用桔梗湯見肺凡風邪外傷法當

表散而實腠理其用下藥非邪傳於內及胃有實熱者不宜輕用而色白肺短潘者肺之本證也易治面色赤脈洪數者火刑金也難治

發表麻黃湯 治太陽證頭疼發熱身痛惡風無汗喘滿脈浮緊八九日不解當發汗汗已煩悶瞑目者必衄衄乃解所以然者陽氣重故也

甘草

半兩

麻黃

去節一兩半

桂枝

一兩

杏仁

去皮三十五箇

右每服三錢水煎

三拗湯 治感冒風邪鼻塞聲重語音不出或傷風頭

疼目眩四肢拘倦咳嗽多痰胸滿氣短

麻黃

不去節

杏仁

不去皮尖

甘草

生用

右各等分剉散每服三錢水一盞生薑三片煎至六分去滓溫服取汗為度一方加荊芥桔梗嗽甚加五味子細辛各減半又方麻黃去節杏仁去皮尖甘草炙名三和湯治喘嗽尤妙加減在乎活法有熱加前胡傷風加荊芥有痰加半夏

加減三拗湯

麻黃

去根節三錢水
煮去沫焙乾

桂枝

二錢

杏仁

棗箇去皮尖炒
黃另研如膏

甘草

炙一錢

右為麤末入杏膏拌勻每服一錢水六分煎至四分
去渣溫服無時以汗出為度量大小加減若自汗者
不宜服之

五拗湯

治感風濕及形寒飲冷痰嗽咳喘連聲不已

麻黃

不去根節

杏仁

不去皮尖

荊芥

不去梗

桔梗

蜜水拌炒
各五錢

甘

草二錢
半

右每服二錢水一盞煎七分無時溫服

百部丸 治小兒肺寒壅嗽微喘有痰

百部

炒

麻黃

去節各
三兩

杏仁

四十枚去皮
尖微炒研入

右為末煮熟棗子丸如皂子大溫水下二三丸無時
日三四服此本方也仲景加松子仁五十箇蜜丸更
加胡桃肉含化大妙一方加甘草二錢

九寶飲 治小兒嗽是肺臟感寒須表散却服嗽藥

麻黃

去節

薄荷

大腹皮

紫蘇

各半兩

陳皮

杏仁

去皮尖

桑白皮

炙

肉桂

枳殼

各二錢半

甘草

一錢半

右剉散每服二錢生薑烏梅煎服冷證去薄荷熱證

去陳皮桂

華蓋散

治肺感寒邪咳嗽上氣胸膈煩悶項背拘急

聲重鼻塞頭目昏眩痰氣不利

麻黃

去節

紫蘇子

隔紙炒

桑白皮

蜜炙

杏仁

去皮尖炒

赤茯苓

去皮陳橘皮

去白各半兩

甘草

炙二錢

右判散每服二錢水半盞煎至三分去滓量大小加減食後溫服

金沸草散 治傷風化痰頭目昏痛頸項強急往來寒熱肢體煩疼胃膈滿痰涎不利咳嗽喘滿涕唾稠粘及治時行寒疫壯熱惡風

荊芥

四兩

前胡

去蘆

麻黃

去節

旋覆花

各三兩

甘草

炙

半夏

湯洗七次
薑汁浸

赤芍藥

各一兩

右判散每服二錢水一盞生薑三片棗一枚同煎六

分去滓溫服不拘時有寒邪則汗出嗽甚加杏仁五味子

麥煎散 治小兒夾驚傷寒吐逆壯熱表裏不解氣麤喘急面赤自汗或狂語驚叫或不語無汗及癰疹遍身赤痒往來潮熱時行痲痘疹子餘毒未盡渾身浮腫痰涎咳嗽或變急慢驚風手足搐搦眼目上視及傷風頭疼並治之

滑石 地骨皮 赤芍藥 石膏 白茯苓 杏

仁 知母 甘草 葶藶子 炒 人參 各半 麻黃 去節

兩半

右為末每服一錢麥子煎湯調下如初生牙兒感冒風冷鼻塞身熱噴嚏多啼每一字用麥子煎湯調下一方去地骨皮滑石加羌活川芎薄荷煎湯調下

小青龍湯 治傷寒表不解惡寒體熱水停心下乾嘔發熱而嗽或渴或利小便不利或噎小腹滿喘

麻黃

去節微和者去麻黃加羌花如彈子大炒令赤色若噎者去麻黃加附子半錢炮若小便

不利者加茯苓一兩若喘者去麻黃加杏仁去皮尖

赤芍藥

半夏

炮若渴者去半

夏加栝
萎根

細辛

乾薑

炮

肉桂

去麝皮

甘草

各七錢半

五味

子

五錢

右剉散每服三錢水一盞煎七分去滓加減服

清肺飲

治肺受風邪客熱嗽聲不斷氣促喘悶痰壅

鼻塞流涕失音及解時行疹毒豆瘡涎多咳嗽咽痛

煩渴

柴胡

淨洗二兩

人參

去蘆半兩

杏仁

湯炮去皮尖

桔梗

剉炒

赤芍藥

荊芥

枳殼

去穰麩炒微黃

桑白皮

剉

北五味子

麻

黃

去節湯泡濾過剉焙

半夏

湯煮透濾仍剉焙乾各一兩

旋覆花

五錢

甘草

一兩

右判每服二錢水一盞薑二片葱一根煎七分無時

溫服或入薄荷同煎

解表散 主傷風感冷咳嗽痰喘嘔吐瀉利驚悸有熱

證在表裏並宜可投

麻黃

製法同上

杏仁

湯泡去皮尖

赤茯苓

去皮各一兩

川芎

防

風

去

蘆枳殼

製法同上
各一兩半

甘草

半生半炙
七錢半

右剉每二錢水一盞薑二片葱白一莖煎七分溫服
無時有熱入薄荷同煎

和解湯

治小兒四時感冒寒邪壯熱煩躁鼻塞多涕

驚悸自汗肢體疼痛及瘡疹已發未發皆可服

羌活

防風

人參

川芎

各一兩

乾葛

升麻

甘草

芍藥

各半兩

右剉散每服三錢薑棗煎服加荊芥無汗加麻黃咳

嗽者加杏仁五味子桔梗

攻裏錢氏葶藶丸 治乳食衝脾傷風咳嗽面赤痰盛

身熱喘促

甜葶藶

去土隔
布微炒

黑牽牛

微炒

杏仁

去皮尖炒
另研如膏

漢防己

各一
兩

右為末研入杏膏拌勻蒸陳棗肉和再搗為劑丸如
麻子大每服五九至七九淡生薑湯下乳食後或臨
夜服量兒大小加減

潔人參荊芥散

治身熱痰嗽胸膈不利宜下痰去熱

人參

半兩

荊芥穗

一兩

大黃

二錢

右為細末水煎調檳榔木香細末五分輕粉一字乳
後服如身熱潮熱宜服清涼飲子去大黃三服之後
一二日却入大黃服之令疎利則愈不可便動臟腑

福銀丸

治風涎膈實上熱及乳食不消腹脹喘麤

巴豆

去油膜皮心
細研半兩

水銀

五錢

黑鉛

二錢半同水
銀炒結沙

麝香

另研

好墨

火燒耐炒

研八錢

右將巴豆末并墨再研勻和入砂子麝香陳米粥和
丸如綠豆大揔褊一歲兒一九二三歲二三九五歲
已上五六丸煎薄荷湯放冷送下不得化破更量虛

實加減並食後服

虛人先以益黃散實脾後
以此方下之下後補肺

涼劑瀉肺湯

主傷風後五心煩熱咳嗽喘促唇紅頰

赤發渴引飲

桑白皮

剉炒

地骨皮

淨洗焙乾
各一兩

甘草

炙三錢

右以咀每服二錢水一盞粳米百粒煎七分食後臨

卧溫服或不拘時

聖惠天門冬散 治小兒心胸煩悶體熱咳嗽

天門冬

焙去心

桑根白皮

剉

赤茯苓

柴胡

苗去

百合

紫苑

洗去苗土

藍葉

甘草

炙微赤剉已上各半兩

右件搗羅為散每服一錢以水一小盞入生薑少許

煎至五分去滓量兒大小以意分減溫服

聖惠百部散 治小兒欬嗽煩熱令乳母服

百部

貝母

煨微黃

紫苑

洗去苗土

葛根

剉各一兩

石膏

二兩

右件擣羅為散每服三錢以水一小盞入竹葉三七片煎至六分去滓每於食後服令兒飲乳甚佳

黃芩散

治小兒嗽

黃芩

不拘多少用童子小便浸三日取出判碎焙乾

右為細末每服一字或半錢白湯少許調下乳食後服

柴胡石膏湯

治時行瘟疫壯熱惡風頭疼體疼鼻塞

心胸煩滿寒熱往來咳嗽涕唾稠粘

桑白皮

黃芩

各三錢半

升麻

二錢半

石膏

前胡

赤

芍藥

乾葛

柴胡

各五錢

荊芥穗

三錢

右為末每服一二錢薑二片淡豉十粒水煎

溫劑張渙養肺湯

溫養脾胃

紫苑

洗去土焙乾

半夏

湯洗七遍

款冬花

真阿膠

炙各人兩

參

去蘆桂心各半兩

右件搗羅為細末每服一錢水一小盞入生薑二片

糯米五粒煎至五分去滓放溫時服

菖蒲煎 治肺中風邪喘鳴肩息

石菖蒲

一寸九節者

欵冬花

紫苑

去土洗焙乾

人參

去蘆桂

心

各一兩

右件搗羅為細末煉蜜同石白中搗一二百下和如
皂子大每服一粒煎糯米飲化下

木香半夏丸 治胃寒咳嗽

木香

半夏

湯洗七次焙乾

肉豆寇

各一兩

藿香葉

丁香

白朮

各半兩

右件搗羅為細末取生薑自然汁和如黍米大每服
十粒煎人參湯下量兒大小加減

順肺湯 治心肺不利咳嗽

紫蘇葉

半夏

湯洗七遍
焙各一兩

五味子

款冬花

陳

橘皮

湯浸
去白

桂心

木香

各半
兩

右件搗羅為細末每服一錢水八分入生薑人參各
少許煎四分去滓溫服

平劑聖惠陳橘皮散 治小兒咳嗽胸中滿悶不欲乳

食

陳橘皮

湯浸去白焙

桔梗

去蘆

蘇

杏仁

湯浸去皮尖

人參

去蘆各一分

貝母

煨微黃半兩

右件搗羅為麤散每服一錢以水一小盞入燈心十

莖煎至五分去滓溫服日三四服量兒大小以意加

減

麥門冬煎

治小兒咳嗽壯熱胸膈壅滯

麥門冬

去心一兩

生薑

半兩取汁

酥

蜜

各二合

杏仁

湯洗去皮尖雙

仁二

兩

右件藥先以水一大盞煎麥門冬及杏仁至四分入砂盆內研絞取汁却入銀器中次內生薑汁以慢火熬成膏收於瓷器中每服以清粥飲調下半茶匙日三服夜一服量兒大小以意加減

茅先生妳豆膏

桔萸穰

蜜

各半盞

人參

鉛白霜

各半兩

陳槐花

一分

桔萸子

百二十枚

右將枯蔓穰及蜜鍊成膏入諸藥末同為膏每服一大黃豆大用杏仁煎湯調服

注脣膏 治小兒諸般咳嗽

鬱金

三个大者剉細用生薑汁浸一宿

白殭蠶

直者七錢

鉛白霜

半錢研

腦子

一字

右件為細末煉蜜為膏用萊豆大注孩兒唇上二三歲桐子大十歲已上皂子大薄荷生薑湯化下

蜜瓜膏 治小兒嗽

栝蒌皮

不拘多少用蜜塗慢火上炙焦赤色

右為末每服一錢蜜調成膏時時抹兒口內

生犀散

治咳嗽解時氣痰逆喘滿心忪忡驚悸風熱

杏仁

去皮尖炒

桔梗

各二錢

茯苓

甘草

人參

半夏

各一錢

五味子

前胡

各一錢半

右剉散生薑薄荷煎服有熱加羌活或加麻黃細辛

保肺湯

治肺胃受風熱痰盛欬嗽喘吐不止及治久

嗽不愈

山藥 白茯苓 紫蘇葉 黃芩 防風 杏仁

去皮尖
麪炒

五味子

桔梗

百部

六分

藹香

百合

各五

分

白殭蠶

二錢去
絲絹炒

右水煎食後服

天麻防風丸

治驚風咳嗽身體壯熱多睡驚悸手足

抽掣精神昏憤痰涎不利及風邪溫熱

天麻

防風

人參

辰砂

雄黃

麝香

甘

草

各二錢半

全蝎

炒

殭蠶

各半兩炒

一方有牛膽南星

無麝香

右為末煉蜜丸桐子大每服一二九薄荷湯下

下氣紫蘇子散 治小兒咳逆上氣因乳哺無度內挾風冷傷於肺氣或小兒肺氣未定與乳飲之與氣相逆氣不得下

紫蘇子

訶子

去核

杏仁

去皮尖炒

蘿蔔子

炒

木香

人

參

去蘆各三兩

青皮

甘草

炒各一兩半

右為細末每服二錢水一盞生薑三片煎至五分去

萍不拘時服量兒加減

肘後療小兒咳嗽方

紫苑

六分

貝母

二分

款冬花

一分

右擣為散每服如豆大着乳頭上令兒和乳嚥之日三四乳母忌食大鹹醋物聖惠用清粥飲一字

張渙馬兜鈴丹

治小兒肺壅欬嗽大便不利

馬兜鈴

紫蘇子

人參

去蘆頭各一兩

款冬花

木香

各半兩並為細末

杏仁

七錢半湯浸去皮尖另細末

右件同拌勻鍊蜜和如黍米大每服十粒煎生薑湯下量兒大小加減

化痰人參半夏丹 消痰飲止嗽

人參

去蘆

半夏

湯洗七遍焙乾

白朮

川麴薑

天南星

微炮

各一兩

右件搗羅為細末取生薑汁打麴糊和如黍米大每服十粒煎生薑湯下月內百晬嬰兒如鍼頭大沾在乳頭上令兒吮之

貝母湯 治肺中風咳嗽喘滿

貝母

炒黃
色

半夏

白礬湯洗七遍
焙乾各一兩

乾薑

麻黃

去根
節

款冬花

甘草

炙各
半兩

右件搗羅為細末每服一錢水一小盞入生薑三片杏仁二粒去皮尖同煎至五分去滓溫服

補虛潔古黃芪湯 治小兒咳嗽喘逆身熱鼻乾燥者

是熱入肺經為客熱呬呀有聲

黃芪

二人參
兩

二錢
半

地骨皮

五錢

桑白皮

三錢

甘草

二錢
半

右咬咀水煎放溫頻頻服之

海藏加味四君子湯 治涎嗽

人參 白朮 白茯苓 甘草 杏仁 桑白皮

各等分 半夏麴 減半

水煎服 又治咳嗽用四君子末煎紫蘇湯調下

張渙蟬殼湯 治肺氣不利病

蟬殼微炒 五味子湯洗七次焙乾 人參去蘆各一兩 陳橘皮湯浸去白

乾甘草炙各半兩

右件搗羅為細末每服半錢煎生薑湯調下

白朮五味湯方治欬逆氣逆上喘

五味子

白朮

丁香

人參

去蘆頭

款冬花

各半兩

細辛

去土一分

右件搗羅為細末每服一錢水八分入生薑三片煎至四分去滓放溫令時時呷之

人參平肺散 治心火剋肺咳嗽喘嘔痰涎壅盛胸膈

痞滿

人參 橘紅 甘草 炙 地骨皮 各五分 茯苓 知母

炒各七分 五味子 炒 天門冬 去心 青皮 各四分 桑白皮 炒一錢

右每服一二錢水煎

取澀細辛五味子湯 治肺經不足胃氣怯弱或冒風邪或停寒有飲咳嗽倚息不得安卧胸滿短氣乾嘔作熱嗽唾結痰或吐涎沫頭目昏眩身體疼重語聲不出痛引胸脇不問新久並宜服之

細辛

去苗土

半夏

湯泡各一兩

鴛栗殼

去蒂益炒

五味子

各三兩

烏梅

核去

甘草

炙各一兩半

桑白皮

炒六錢

右剉散每服二錢水一盞生薑五片煎至六分去滓

溫服

分經黃芩半夏生薑湯 治膽腑欬嘔苦水若膽汁

黃芩

生薑

各一錢

甘草

炙

大棗

二箇

半夏

一錢五分

右水煎服

甘桔湯 治心臟咳而喉中如梗甚則咽腫喉痺

粉草

苦梗

各一錢

右水煎食後服

芍藥甘草湯 治小腸腑咳嗽而失氣

芍藥

甘草

各一錢

右水煎服

升麻湯 治脾臟咳嗽而右脇下痛痛引肩背甚則不

可以動動則欬涎

方見傷寒

烏梅丸 治胃腑咳嗽而嘔嘔甚則長蟲出

烏梅

三十箇

細辛

附子

製

桂枝

人參

黃蘗

各六

錢

乾薑

黃連

各一兩

當歸

蜀椒

各四兩

右為末用酒浸烏梅一宿去核蒸之與米飯搗和丸如桐子大每服十九白湯下

赤石脂禹餘糧湯 治大腸咳而遺尿

赤石脂

禹餘糧

各二兩並打碎

右每服二錢水煎

麻黃附子細辛湯

治腎臟咳則腰背相引而痛甚

則咳涎又治寒邪犯齒致腦齒痛宜急用之緩則不

救

麻黃

細辛

各二錢

附子

一錢

右每服一錢水煎

茯苓甘草湯

治膀胱咳而遺溺

茯苓

二錢

桂枝

二錢半

生薑

五大片

右每服二錢水煎

百晷內嗽此名乳嗽實難調理亦惡證也當審虛實而施治焉實者散之虛者補之其證氣羸痰盛口瘡眼熱

發散後可利之比金圓

驚癇

等藥主之散其實也其證嘔

吐嗽後驚悸困倦自汗者當用補肺散益黃散天麻散
補其虛也大抵治驚嗽琥珀散主之天麻圓乃要藥也
用天麻蟬退殭蠶人參川芎甘草礪砂天竺黃膽製南
星白附子坯雄黃金箔末之煉蜜圓如雞頭大金箔為
衣每服一圓薄荷湯化下治未滿百晬咳嗽不止遠勝
諸藥 曾百日內嬰孩偶咳嗽痰壅睡中不寧亦因產
後感風而得但不可過用發散之劑先以解表散

見前一

二服次投貝母湯及惺惺散治 薛若脾胃內熱者用

抱龍丸驚風邪外感者用惺惺散痘初熱痰熱既去而氣

粗痰盛或流涎者脾肺氣虛也用異功散吐加桔梗口

瘡眼熱大便堅實者用三黃丸裏熱大便不實者用白朮

散渴若嘔吐不乳困倦自汗或自利腹脹者脾胃氣虛

也用六君子吐加柴胡若驚悸困倦痰盛不乳者心脾

血虛也四君吐加芍歸酸棗仁或因乳母食五辛厚味

致兒為患者仍叅喘嗽諸證

補肺散

又名阿膠散

治小兒久患咳嗽氣急有痰惡心喘虛

見前

天麻散

治嬰兒咳嗽有痰氣壅面紅

南星

水浸春秋五日冬七日夏三日半兩

天麻

三錢

辰砂

一錢

麝香

一字

右為末每服一字用杏仁湯調下人參湯亦可

天麻圓

治小兒未滿百晬咳嗽不止名曰乳嗽

天麻

蟬蛻

僵蠶

人參

各一錢

川芎

半錢

甘草

鵬砂

二錢半

辰砂

天竺黃

牛膽

各二錢

南星

各二錢

白附

子 玕

雄黃

錢各一

金箔

片五

右為末煉蜜丸如芡實大金箔為衣每服一九薄荷

湯化下

琥珀散

治急慢驚風涎潮昏冒目瞪驚搐內釣腹痛

或驚癇時發

辰砂

錢半

琥珀

牛黃

僵蠶

炒去絲嘴

牛膽南星

全蝎

白附子

代赭石

天麻

乳香

蟬退

錢各一

右為末每服一二分白湯調下

貝母湯 主百日內嬰孩咳嗽有痰

貝母

一兩

甘草

半炙半生二錢

右件剉焙為末每服一字或半錢用陳米煎湯空心調服

惺惺散 主傷風傷寒痰嗽咳

止啼去煩利咽解失音

人參

去蘆半兩

桔梗

剉炒

白茯苓

去皮

白朮

天花粉

四味各一

兩
細辛 去葉 二錢
防風 去蘆
川芎
南星 生用 三味 各二錢半
甘草

半生半
炙七錢

右件呔咀每服二錢水一盞薑二片薄荷三葉慢火煎七分無時溫服

外臺小品療少小十日以上至五十日卒得暴欬吐乳嘔逆晝夜不得息四物湯

桔梗
紫苑 各三分
甘草 炙一分
麥門冬 去心 七分

右藥切以水一升煮取六合去滓分五服以差為度

千金有桂心無桔更以水二升煮取一升以綿着湯中捉綿滴兒口中晝夜四五過節哺乳

張渙雄黃膏

治月裏兒欬嗽并三歲已下皆可服

雄黃

一錢
細研

杏仁

七粒
去皮尖

半夏

七个童子小便浸一宿切作片子焙乾為

末

右一處研勻用生薑自然汁半兩蜜半兩一處入藥末於罐子內重湯中熬用柳枝子攪成膏每服一皂子大塗妳頭與兒吮或糯米飲調下

趙氏治小兒未晬欬方

白殭蠶

直者

右為細末塗少許妳頭上令兒喫立效

嗽膿血錢氏曰有喘而咯膿血者乃肺熱食後服甘桔湯久嗽者肺亡津液阿膠散主之

即補肺散見前

咳而痰

實不甚喘而面赤飲水者褊銀九下之

方見前

段齋郎

子四歲病嗽身熱吐痰數日而咯血前醫以桔梗湯及防已丸治之不愈涎上攻吐喘不止請錢氏下褊銀九

一大服復以補肺湯補肺散治之或問段氏子咯血肺虛何以下之錢曰肺雖咯血有熱故也久則虛痿今涎上潮而吐當下其涎若不吐涎則不甚便蓋吐涎能虛又生驚也痰實上攻亦能發搐故依法只宜先下痰而後補脾肺必涎止而吐愈為順治也若先補其肺為逆耳此所謂識病之輕重先後為治也

柑桔散

桔梗

米泔浸一宿焙乾

甘草

炒各二兩

右為細末每服一大錢水一大盞入阿膠半兩炮煎至五分食後溫服 海甘桔湯仲景少陰咽痛藥也 孫真人治肺癰吐膿血用生甘草加減二十餘條 王氏手集解肌丸 治外搏風邪內挾痰飲寒熱往來 煩渴頰赤心忪減食熱在上焦咳嗽有血方

防風 地骨皮

各一分

右件燒沙糖為圓每服一九食後煎紫蘇湯下

團參丸 治嗽血

阿膠 皂子黃 人參

各半兩

右除膠為細末湯少許洋膠和鷄頭大白湯化下

鷄清散

朱氏

治欬嗽出血下涎

鬱金

半兩用皂莢漿水一盞或酸菜汁亦得煮乾為度

滑石

半兩生

雄黃

半兩

醋煮半乾用

右為細末每服一字常服薄荷湯調下嗽螺粉水下

嗽血鷄子清調下

嗽作呀呬聲聖惠夫小兒嗽而呀呬作聲者由胸隔痰

多嗽動於痰上搏於咽喉之間痰與氣相擊隨嗽動息
呀呬有聲其咳嗽本體雖同至於治療則加消痰破飲
之藥以此為異爾

聖惠射干散 治小兒咳嗽心胸痰壅攻咽喉作呀呬
聲

射干

麻黃

去根節

紫苑

洗去苗土

桂心

已上各半兩

半夏

半

湯洗七遍去滑

甘草

炙微赤判一分

右件藥搗麤羅為散每服一錢以水一小盞入生薑

少許研至五分去滓入蜜半茶匙攪令勻不計時候
量兒大小分減溫服

陳橘皮散 治小兒咳嗽咽中作呀呷聲

陳橘皮

湯浸去白焙

桑根白皮

剉

杏仁

湯浸去皮尖麩炒黃

甘草

炙微赤剉

甜葶藶

隔紙炒令紫色已上各一分

右件藥搗麤羅為散每服一錢以水一小盞煎至五
分去滓放溫量兒大小加減服

蘿蔔子散 治小兒咳嗽喘急作呀呷聲

蘿蔔子

微炒

麻黃

去根節各一分

燈心

一大束

皂莢子

十枚煨去皮

甘草

炙微赤剉半分

右件藥搗麤羅為散每服一錢以水一小盞煎至五

分去滓不計時候量兒大小以意分減溫服

蟬殼散

治小兒心胸痰壅咳嗽咽喉不利常作呬聲

蟬殼

微炒

半夏

湯洗七遍去滑

甘草

炙微赤剉

漢防己

各一分

桔梗

去蘆陳橘皮

湯浸去白焙各半兩

右件藥搗細羅為散每服以生薑粥飲調下一字三

歲已上加之半錢

聖惠又方

大醫局方以此治痰
嗽名辰砂半夏丸

半夏

湯洗七
適去骨

甜葶藶

隔紙炒
令紫色

杏仁

湯浸去皮尖雙
仁麩炒微黃各

一分
朱砂

細研
飛

五靈脂

各半
分

右件藥搗羅為末用生薑自然汁煮糊和丸如菜豆
大每服煎麻黃湯下三九日三服量兒大小以意加
減

張渙桔梗湯

治小兒咳嗽呀呷咽隔不利

桔梗

半夏

泡七次

紫蘇葉

炒

石膏

甘草

炙各半兩

皂

莢

燒灰存性一分

右件搗羅為細末每服一錢水一盞入生薑三片煎五分放溫時時與兒服

勦給曾郭氏曰小兒此疾本因暑濕所侵未經發散邪傳心肺變而為熱有熱生風有風生痰痰實不化因循日久結為頑塊圓如豆粒遂成痰母推本其原或啼哭未休遽與乳食或飼以酸鹹氣鬱不利致令生

痰或節令變遷風寒暑濕侵襲或墮水中水入口鼻傳之於肺故痰母發動而風隨之風痰潮緊氣促而喘乃成痼疾急宜去風化痰先以五苓散同寬氣飲

俱驚

寬熱飲

裏熱

用少薑汁和勻沸湯調服次進知母湯

雄黃散如意膏半夏丸

痰涎

知母湯 治勦豁氣喘痰鳴痰發熱咳嗽惡風

知母

甘草

各半兩

貝母

羌活

滑石

另研

大黃

小麥

各三錢

麻黃

去根節湯泡去沫焙

苦葶藶

訶子肉

各一錢半

薄荷

去梗
二錢

右件咬咀每服二錢水一盞薑二片煎七分無時溫

服

雄黃散 主暴中急慢驚風勦顛痰涎滿口及雨侵閉

汗不通或涼或熱坐卧生煩

雄黃

紅亮者
一錢半

白藥

去黑
皮

川烏

炮裂去
皮臍

草烏

炮裂
去皮

天

麻

明亮
者

川芎

五味各
半兩

右除雄黃外餘五味剉焙同雄黃為末驚風痰壅每

服半錢或一錢用薑汁茶清調下發汗水薑葱薄荷
同煎併投三服取效

如意膏 治痰喘氣促咳嗽連聲不已冷熱二證皆可
投

半夏

炮裂

南星

炮裂

二味各一兩半

右二味為末以生薑汁和勻捻作小餅如錢樣用慢
火炙乾再為末復取薑汁如前經兩次炙乾仍焙為
末煉蜜丸芡實大每服一九仍用薑蜜湯無時化服

有熱以薄荷湯下

雄黃丹

治小兒齁齕喘滿咳嗽心胸煩悶傷熱蠲毒

雄黃

朱砂

各一錢
另研

杏仁

十四粒
炒

巴豆

七粒

豆豉

淡者
二十

一粒

右杏巴豉三味用米醋半盞乾薑一片指大煮令乾
研成膏皂角一寸蜜炙焦先去子與皮法製牛膽一
分同雄朱與杏膏研細和勻麵糊為丸如麻子大每
一歲兒五丸壯者七丸二歲十九丸淡生薑湯下

玉訣貝母丸 治小兒齁齕

貝母 天南星薑汁製 人參 茯苓 甘草 白附

子各等分 皂角子七枚炮

右末之鍊蜜丸小豆大每服五七丸薄荷湯吞下

油衮丸 治小兒齁齕及虫積

雷丸 五靈脂各一分 巴豆十五粒取霜

右末之滴水丸每三五丸麻油滾過井水吞下

惠眼內金丸 治小兒齁齕咳嗽

雞內金

雌黃

細研水飛過去
水露三日方便

半夏

生

延胡索

各等

分

右為末棗肉為丸如小豆大周歲三九至四九燈心

湯下

吉氏家傳治妳齁方

天竺黃

蚌粉

炒

右件等分研勻蜜調塗妳頭上與喫

腦子散 治小兒傷風欬嗽不住兼治瘕呬

大黃

一分
鬱金二錢

右件二味先以豬牙皂角煮一復時取切片子焙乾為末次入粉霜腦子各少許再同研令勻每服一字沙糖水調下量兒肥瘦加減用之

嗽聲不出聖惠杏仁煎 治小兒咳嗽聲不出

杏仁

湯浸去皮尖入水一大盞研瀝取汁二兩

酥

蜜

各一合

右件藥先以杏仁汁於鐺中以重湯煮減去半入酥蜜又湯煮二十沸却入貝母紫苑末各一分甘草末

半分更煎攪如飴收瓷器中每服以清粥飲下半錢
日三服夜一服嗽止為度量兒大小加減

又方

貝母

半兩煨

牛黃

細研一錢

甘草

炙一分

右件藥搗細羅為散每服以溫水調下半錢日三四
服量兒大小加減

又方

麥門冬

去心焙

杏仁

去皮尖麝炒黃

甘草

炙

貝母

款冬花

各一
紫苑
去土
半兩

右件藥搗細羅為散每服以乳汁調下半錢日三四服量兒大小加減以意

又方

杏仁

一兩去皮尖雙仁以
水一中盞研絞取汁

紫苑

半兩
末

右以杏仁汁并紫苑末入蜜二合同煎如膏每服以清粥飲調下半茶匙量兒大小加減

驚風嗽小兒患驚風驚止而嗽作謂之驚風嗽茅先生

金杏丸夾勻氣散與服

金杏丸

杏仁

去皮尖

甜葶藶

漢防己

馬兜苓

去皮

右等分為末用蜜為丸小豆大每服十九丸用麥門冬

熟水吞下

茅先生亦於前咳嗽門中已有此方為各有牽引不可除故兼錄之

勻氣散

桔梗

去蘆頭淨洗乾五兩

甘草

二兩

縮砂仁

懷香

洗

陳橘皮

各一兩

白朮

分一兩

右為末每服半錢一錢用霜木瓜煎湯調下如無有
用紫蘇鹽煎湯下

久嗽聖惠蘇蘇煎 治小兒久嗽不止心神煩悶

蘇蘇

一顆熟者去仁以童子小便一升相和研絞取汁

酥兩

甘草

生一分為末

蜜二兩

右件藥以銀鍋子中慢火煎如稀餚每服以清粥飲
調下半錢日四五服量兒大小加減

不灰木散治小兒嗽久不止

不灰木

牛糞火燒通赤

貝母

煨令黃

甘草

炙微赤已上各半兩

右件藥搗粗羅為散每服一錢以新汲水一小盞點

生油一二滴打令散煎至五分去滓分溫二服日四

服量兒大小加減

桑白皮煎 治小兒經時不差及傷肺見血

桑根白皮

東引者切五合

白狗肺

一具切

甘草

茯苓

升

麻 貝母

各一錢二分

芍藥

杏仁

炒各一錢

李根白皮

切四

分 款冬花

麥門冬

去心各六分

黃芩

十一分

淡竹青皮

八分 蜜 地黃汁 各一升

右以水一斗煮及三升去滓下杏膏地黃汁蜜微火上煎不住攪至二升三合綿濾絞汁二三歲兒一合溫服之日進三服夜三合

知母散 治大人小兒久嗽不止痰壅喘悶氣噎

知母 貝母 柴胡 黃芪 紫苑 馬兜鈴

杏仁 研去皮尖 半夏 白礬水煮乾為度 桑白皮 白礬 欬冬

花 各等分

右為細末每服一錢水七分盞同煎三分去滓時時服或生薑自然汁煮糊為丸每服五七丸生薑湯下

貝母散

治小兒久咳嗽氣急

貝母

煨

杏仁

去皮炒

麥門冬

去心

款冬花

各一分

紫苑

半兩

右為末用

乳汁調下半錢

證治準繩卷九十六

欽定四庫全書

子部

證治準繩卷九十七

詳校官太醫院八品吏目_臣黃發

編修_臣倉聖脈覆勘

總校官進士_臣朱鈴

校對官助教_臣卜維吉

謄錄監生_臣何繼盛

欽定四庫全書

證治準繩卷九十七

明 王肯堂 撰

幼科

肺臟門

喘

素問通評虛實論帝曰乳子中風熱喘鳴肩息者脈何
如岐伯曰喘鳴肩息者脈實大也緩則生急則死 曾

小兒喘痰重於咳嗽然有虛實冷熱之分不可驟舉實

熱者投清肺飲

嗽

加五和湯

裏熱

水薑蔥煎及瀉肺湯

嗽

碧玉丸為治經云喘急多因氣有餘益肺主氣故也

虛冷者投枳實湯水薑煎并如意膏補肺散坎離湯自

效此肺虛感風氣不升降致有是證及用定喘飲常驗

不拘冷熱皆可服涎壅失音二聖散主之 薛喘急之

證有因暴驚觸心者有因寒邪壅盛者有因風邪外客

者有因食鹹酸痰滯者有因膏粱積熱薰蒸清道者然

喘與氣急有輕重之別喘則欲言不能隘於胸臆氣急但息短心神迷悶耳治法因驚者用雄朱化痰定喘丸佐以天麻定喘飲寒傷肺氣者用小青龍湯風邪傷肺者用三拗湯加減之食鹹酸傷肺者啗以生豆腐熱傷肺氣者當涼肺定喘哮喘喉聲如鋸者梅花飲兼用半夏丸前證多因脾肺氣虛賸理不密外邪所乘真氣虛而邪氣實者為多若已發則散邪為主未發則補脾為主設槩攻其邪則損真氣逕補其肺則益其邪凡喘嗽

之證若小便不利則必生脹脹則必生喘要分標本先後先喘而後脹者主於肺先脹而後喘者主於脾蓋肺金司降外主皮毛肺朝百脈通調水道下輸膀胱肺既受邪則失降下之令故小便漸短致水溢皮膚而生脹滿此則喘為本而脹為標也治當清金降火為主而行水次之脾土惡濕而主肌肉土能尅水若脾土受傷不能制水則水濕妄行浸漬肌肉水既上溢則邪反侵肺氣不能降而生喘矣此則脹為本而喘為標也治當實

脾行水為主而清金次之苟肺證而用燥脾之藥則金燥而喘愈甚脾病而用清金之藥則脾寒而脹益增觀其證若中氣虛弱者用六君子湯中氣虛寒者前方加炮薑鬱結氣滯者用歸脾湯加柴胡山梔肝木尅脾土者用六君柴胡山梔肺氣壅滯者用紫蘇飲加白朮食鬱壅滯者用養胃湯加木香肺中伏熱水不能生而喘者用黃芩清肺飲及五淋散脾肺虛弱不能通調水道者用補中益氣湯及六味丸膏粱厚味脾肺積熱而喘

者用清胃散及滋腎丸心火刑金不能生水者用人參
平肺散亦用滋腎丸腎水虧虛火爍金小便不利者用
六味丸及補中益氣湯肝木乘脾不能相制而喘者用
六君柴胡升麻脾胃虛寒臍凸腹脹者用八味地黃丸
脾腎虛寒不能攝水如蠱脹者用加減腎氣丸凡虧損
足三陰而致喘脹或二便不調及牽引作痛者俱用六
味八味加減腎氣等丸治之仍參傷風咳嗽證錢氏論
肺盛復有風冷云胃滿短氣氣急喘嗽上氣當先散肺

後發散風冷散肺瀉白散肺發散風冷大青膏主之吐瀉

肺只傷寒則不胸滿 潔古云肺實則喘而氣盛瀉白

散

瀉白散肺

清肺飲嗽

五和湯裏熱

碧玉丸 治痰嗽氣喘胸滿飲食減少睡不得寧煩躁

有熱

青黛 明白礬生用天南星生用滑石四味各二錢半輕粉五

貼金蝎五十尾去尖毒巴豆四十九粒去殼膜心存油碎切入乳鉢極細杵

右除輕粉已豆外餘五味或晒或焙為末仍入前二
味同在乳鉢杵勻薑汁煮糯米粉為糊丸粟殼大每
服七丸至九九或十一丸用淡薑湯空心投熟甚者
薄荷湯下或不拘時

錢氏論肺臟怯云唇白色當補肺阿膠散主之

方見本門若

悶亂氣麤喘促哽氣者難治肺虛損故也脾肺病久則
虛而唇白脾者肺之母也母子皆虛不能相營故名曰
怯脾主唇唇白而澤者吉白而枯骨者死

補肺散 治久患咳嗽肺虛氣促有痰惡心

阿膠

壹兩半 剉炒

白茯苓

馬兜鈴

去老梗

糯米

叁味各半兩

杏仁

二十一粒湯泡去皮尖

甘草

四錢炙

右剉每服二錢水一盞煎七分無時溫服

坎離湯 治虛喘晝輕夜重食減神昏

萆澄茄

石菖蒲

各一錢

白朮

白茯苓

去皮

南木香

已上各二錢

甘草

炙

半夏

湯煮透濾仍剉焙乾

紫蘇子

畧炒杵碎已上肆錢

右剉每二錢水一盞煎七分溫服無時

聖惠杏仁煎 治小兒欬嗽心煩喘麤

杏仁

湯浸去皮尖雙仁麤炒微黃

天門冬

去心

寒食麪

各壹兩

蜜

酥

各壹合

生地黄汁

壹大盞

貝母

半兩微炒

右件煎貝母及天門冬至五分便研絞取汁入杏仁膏等同熬如稀餚每服用溫水調下半錢已來量兒大小以意加減

八味理中丸 治小兒心肺不和息數脈急上下不升降中膈痞滿鬱隘胸臆坐卧煩悶神情不樂飲食不

下

人參

甘草

炙

白朮

乾薑

枳實

製炒

白茯苓

五味子

去梗

桑白皮

去赤皮

右件等分為末煉蜜為丸小指頭大每服一九淡豆豉五粒水一小盞煎至半去豉通口服不拘時候

張渙蟬殼湯

治小兒肺氣不利病

白朮五味湯

治小兒咳嗽氣逆上喘

二方並見咳嗽

聚寶方平氣散

治小兒氣不和定喘和氣補虛思食

人參 白茯苓 百合 甘草 白朮 桔梗

各等

分

右六味為末每服一錢水八分生薑少許同煎至五分溫服

熱實雲岐云小兒結熱上氣喘者四順清涼飲子
痰實丹溪云痰嗽痰喘並用涌法吐之重劑瓜蒂散輕
劑苦參赤小豆須蝦蟇汁調服

生白丸 治小兒痰涎不利上喘欬嗽

白附子

新羅者

天南星

各半兩

半夏

壹兩

右為末用生薑汁打麵糊為丸如菜豆大每服二十九至三十九生薑湯下量大小加減

枳實湯 主傷風傷寒胸滿氣促咳嗽不活食多夾痰

吐出

枳實

去瓢剉片
麩炒微黃

赤茯苓

去皮各半兩

甘草

陸分

半夏

朱錢湯煮

透濾仍
剉焙乾

桔梗

朱錢半
剉炒

右件咬咀每服二錢水一盞薑三片煎七分無時

如意膏

見前
麝香

半夏丸

治肺氣不調咳嗽喘滿痰涎壅塞心下堅滿

及風痰嘔吐惡心涕唾稠粘

白礬

壹兩
半焙

半夏

叁兩湯泡柒次
生薑汁製壹宿

右為末生薑自然汁丸赤豆大每服十九薑湯下

經驗後方 大人小兒定喘化痰

右用豬蹄四十九箇淨洗控乾每箇指甲內半夏白礬各一字入罐子內封閉勿令煙出火煨通赤去火

細研入麝香一錢人有上喘咳嗽用糯米飲下小兒
半錢至妙

驚大効雄硃化痰定喘

治小兒因驚發喘逆觸心

肺暴急張口虛煩神困

雄黃

硃砂

各一錢研

蟬蛻

全蝎

炒

地龍

白僵蠶

炒

天南星

白附子

炮各二錢半

輕粉

半錢

右為末麵糊圓如麻子大每服三十九薄荷茶清送

下食後服

天麻定喘飲 治小兒喘嗽驚風

天麻 防風 羌活 甘草 人參 桔梗 白

朮 川芎 半夏麴

各等分

右判散每服二錢水一盞麥門冬十四粒煎至七分
食後服有熱去白朮加芍藥枳殼

風邪傷肺三拗湯

嗽

紫蘇飲子 治肺受風寒喘熱痰嗽

紫蘇葉 桑白皮 青皮 五味子 杏仁 麻

黃 甘草 炙 陳皮 各二分 人參 半夏 各三分

右薑三碗水煎溫服

寒邪傷肺小青龍湯

嗽

麻黃杏子甘草石膏湯 治傷寒發汗後不可更行桂

桂湯汗出而喘無大熱下後喘亦治

麻黃

二兩去節湯泡
去黃汁焙乾秤

杏仁

二十五个
去皮尖

石膏

四兩
研

甘

草 一兩

炙

右剉散每服二錢水小盞煎六分去滓溫服

金匱要略小青龍加石膏湯 治大人小兒肺脹痛而

上氣煩躁而喘脈浮者心下水

麻黃

去節三兩
千金四兩

芍藥

桂枝

細辛

各三兩
千金各二兩

甘

草

炙

乾薑

各三兩

半夏

半升

五味子

半升
千金一升

石膏

二兩

碎

右九味㕮咀以水一斗先煮麻黃減一升去上沫內諸藥煮取三升去滓強服一升羸者減之日三服小兒服四合

雜方吉氏治小兒傷冷氣喘涎多方

蘇蘇

一个大者
問一蓋子

阿膠

一分

沙糖

半兩

右件將二味投入蘇蘇內以蓋子依舊封着白紙都糊入飯甑蒸兩遍傾出隨兒大小約多少冷服

真珠散 治小兒氣喘多涎

真珠

末

生犀角

鎊各半錢

香附子

四錢

龍腦

右為末每服半銅錢煎桃仁湯調下嬰兒一字一歲以下者半錢

茅先生小兒諸喘氣急方

海漂蛸

黑牽牛

末牡蠣

馬兜鈴

去皮

右各秤二錢為末拌勻每服抄一錢用鯽魚淡煮湯調下

又方

海漂蛸

牡蠣

火煨

右等分為末每服一錢用淡生薑湯調下

喉間有聲千金射干湯 治小兒咳嗽喘急如水雞聲

射干 麻黃 紫苑 甘草 生薑 各半兩 半夏 三錢

桂心 二錢 大棗 十五枚

右剉散每服二錢水一盞半煎入蜜少許服

梅花飲子 治小兒驚潮五臟積熱上焦蘊熱手足心熱喉中多痰涎面色或紅或白𦘔呀鼻流清涕氣急肝肺壅熱目赤咳嗽或被人驚夜啼不安或傷寒漸安尚有餘熱亦宜服化痰退熱

硼砂 馬牙硝 芒硝 人參 各一兩 甘草 半兩 梅花

腦子 辰砂

麝香

各一字

右八味為末以磁器收貯遇有此證麥門冬調下
氣喘咳嗽桑白皮湯下常服薄荷湯調下

失音二聖散 治風痰壅閉語音不出氣促喘悶手足
動搖似搐非搐

訶子

十枚大者半生半炙去核

大腹皮

淨洗焙乾五錢

右剉每服二錢水一盞煎七分無時溫服

通治定喘飲 治夾風痰喘氣促不拘冷熱二證

人參

去蘆頭

麻黃

不去根節

防己

去黑皮

訶子

去核

半夏

湯洗去滑

甘草

六味各五錢

右剉每服二錢水一盞薑二片煎七分無時溫服

總治十六般哮喘出本事方

阿膠

剉炒

馬兜鈴

甘草

炙

半夏

薑汁浸三日

杏仁

去皮尖各

一人參

半兩

右剉散每服二錢水一盞隨病湯使煎至七分臨卧

食後服湯使于後心嗽面赤或汗流如乾葛煎

肝嗽眼中淚出入烏梅一箇糯米十四粒煎 脾嗽

不思飲食或惡心入生薑二片煎 胃嗽吐逆吐酸

水入蚌粉煎 膽嗽令人不睡用藥半錢茶清調下

肺嗽上 氣喘急入桑白皮煎 膈嗽出痰如圓

塊生薑自然汁調藥譙下 勞嗽秦艽末同煎 冷

嗽天晚嗽甚蔥白三寸同煎 血嗽連頻不住當歸

末棗子同煎 暴嗽涕唾稠粘入烏梅生薑煎 產

嗽背甲痛甘草三寸黃蠟少許煎 氣嗽肚疼脹滿

青皮同煎 哮喘聲如拽鋸入半夏二箇同煎 腎嗽時復三兩聲入黃芪白飴糖煎 已上十六般嗽疾依法煎服無不效驗

馬脾風暴喘而脹滿也 田氏云暴喘俗傳為馬脾風也大小便哽宜急下之用牛黃奪命散後用白虎湯平之 馬脾風在百日內者不治

牛黃奪命散 治小兒肺脹喘滿胸膈起急兩脇扇動陷下作坑兩鼻竅張悶亂嗽喝聲嘎而不鳴痰涎潮

塞俗云馬脾風若不治死在旦夕

白牽牛

黑牽牛

各一兩半
生牛熱

川大黃

檳榔

各一兩

右為細末三歲兒每服二錢冷漿水調下涎多加膩粉少許無時加蜜少許

無價散 治風熱喘促悶亂不安俗謂之馬脾風

辰砂

二錢半

輕粉

五錢

甘遂

麝香煮焙
乾一錢半

右為細末每服一字用溫漿水少許入滴油一點挑藥在上沉下去却以漿水灌之立效

又一法小兒喘脹俗謂之馬脾風又謂之風喉者以草莖量病兒子中指裏近掌紋至中指尖截斷如此二莖自乳上微斜直立兩莖於稍盡頭橫一莖兩頭盡頭點穴灸三壯此法多曾見愈

悲哭

萬全方小兒有驚啼有夜啼有軀啼夫驚啼者由風邪乘心臟腑生熱熱則精神不定睡卧不安故驚啼夜啼者臟冷也夜則陰盛陰盛相感痛甚於晝故令夜啼一

云有犯觸禁忌亦令兒夜啼可作法術斷之其軀啼者由腹中痛甚兒身軀張氣感而啼也又有胎寒而啼者此兒在胎時已受病也其狀腸胃虛冷不消乳哺腹脹下痢顏色青白而時或啼叫是也 薛悲哭者肺之聲

淚者肝之液也若六脈弦緊者先以溫湯漬其身取汗次以涼膈散之類清其內熱此張子和治法如此若因乳母怒火遺熱於肝肝火炎熾反侮肺金金木相擊故悲哭有聲者宜用六君柴胡山梔以補脾清肝用六味

九以壯水生木有因驚風過服祛風燥血之藥而致者
有因吐瀉內亡津液而致者及稟父腎陰不足不能生
肝者治各審之若小兒忽然大啼作聲丹溪謂必死此
稟腎陰不足虛火上故也用六味丸多有生者仍叅
覽夜啼客忤驚啼重舌口瘡天釣內釣等證

錢氏蟬花散 治驚風夜啼咬牙咳嗽及療咽喉壅痛

蟬花

和穀

白殭蠶

直者酒炒熟

甘草

炙各一分

延胡索

半分

右為末一歲一字四五歲半錢蟬殼湯下

本事方治小兒拘哭龍齒散

龍齒

蟬殼

去翅足
泥土

鈎藤

有鈎
子者

羌活

茯苓

人

參

各等
分

右為末每服一大錢煎六分去渣溫熱服

子和治一小兒悲苦彌日不休兩手脈弦而緊戴人曰
心火甚則乘肺肺不受其屈故哭肺主悲王太僕云心
燥則痛甚故燥甚悲亦甚先令浴以溫湯漬形以為汗
也肺主皮毛汗出則肺熱散浴止而啼亦止矣仍命服

涼膈散加當歸桔梗以竹葉生薑朴硝同煎服瀉膈中之邪熱

驚啼謂於眠睡裏忽然啼而驚覺也 錢氏云小兒驚

啼邪熱乘心也當安心安神丸主之

方見心藏

乳香丸 治驚風內釣腹痛驚啼

乳香半錢沒藥

沉香各一錢蝎梢十四枚

鷄心檳榔一錢

半

右為末煉蜜丸桐子大每服二丸菖蒲鈎藤湯調下

木香丸 治證同前

乳香 沒藥 全蝎 各半錢 鈎藤 舶上懷香 木

香

各一錢

右先將乳香沒藥另研次入諸藥末和畢取大蒜少許研細和九桐子大每服二九鈎藤湯下

張渙嬰兒眠卧着忽啼哭驚覺面赤口舌乾然若神祟即非夜啼乃風熱邪氣秉於心臟名曰驚啼宜用

牛黃膏方

常服除胎熱

牛黃

好牡蠣

煅粉各一分

人參

甘草

炙各半兩

已上並

為細末次入

辰砂

雄黃

各一分並細研水飛

龍腦

半錢

右件諸藥一處研細勻練蜜和成膏如鷄頭實大每服半粒至一九薄荷湯化下乳食服

青雲散

石蓮心

一分

天南星

炮

殭蠶

取直者

全蝎

鬱金

皂角煮各

一錢半

雄黃

一錢

粉霜

半錢

右件為末每服一字半錢看大小蜜湯調下

聖惠犀角散 治小兒驚啼

犀角屑 鈎藤 升麻 黃芩 甘草 炙各一分 人參

三分

右㕮咀每服一錢水一盞煎至五分量兒服之

羚羊角散

羚羊角屑 黃芩 犀角屑 甘草 炙 茯神 各一分

麥門冬 半兩

右件藥搗羅為散每服一錢以水一小盞煎至五分

去滓量兒大小分減服之

龍齒散 治小兒驚啼煩熱眠卧不安

龍齒

麥門冬

各半兩

白芍藥

川升麻

川大黃

炒

甘草

右件藥咬咀每服一錢以水一小盞煎至五分去
溫溫服量小兒大小加減服之

栝子仁散

治小兒驚啼狀如物刺

亦治
驚啼

栝子仁

一兩搗細
羅為散

右件藥一二歲兒每服一字用粥飲調服三四歲兒
每服半錢一日三四服量兒大小加減

治小兒五邪驚啼悲傷鯨鯉甲燒之作灰以酒或水和

服方寸匕

出本草

仙人水鑑兒生下多驚啼聲噎庸醫云是氣急此誤人
命宜使此方收取黃葵四月花陰乾搗散入馬牙黃
連四分加黃檗四味神方力莫加

右以冷水調下一字至一錢服之立効

嬰孺治小兒夜睡忽驚啼不識母母喚之搖頭方

右小兒忽驚啼不識母者是夢中見母棄之去謂母實去故啼但令人抱坐于暗中令母從外把大火入來喚之即止所以然者謂母去還來也此方天下未之知隱居效方

一法寫天心二字於顙門上寫泥丸二字於丹田上

軀啼巢氏云小兒在胎時其母將養傷於風冷邪氣入胞傷兒臟腑故兒生之後邪猶在兒腹內邪動與正氣

相搏則腹痛故兒軀張蹙氣而啼

鈎藤膏

治小兒乾啼後軀

方見
腹痛

張渙嬰兒在胎之時其母將養一切不如法及取涼飲
冷過度冷氣入兒腸胃使胎氣不強致生下羸弱多
病俛仰多啼名曰軀啼宜用養臟湯方

川當歸

一兩

沉香

丁香

白朮

桂心

川芎

各半

兩

右件搗羅為細末每服一錢水八分入生薑二片煎

至四分去查放溫時時滴兒口中

嬰孺黃芪散 治少小胎寒腹痛軀啼

黃芪

當歸

芍藥

乾薑

各四分

甘草

三分

黃芩

陸分

銖

右為末二十日兒用乳汁和一胡豆大一日三夜一
五十日兒一小豆大百日二小豆大藥溫中無毒若
無黃芪可闕也兒生便服使寒氣不得生亦不吐服
之暮年止服妙若寒氣疔痛啼不可忍以水煮飲之

如服理中丸法服藥補益之可數十倍節度無苦

劉氏治胎氣弱陰陽不調晝夜軀啼不已

好乳香

水中生乳
鉢細研

沒藥

細研

木香

薑黃

各四錢

木鼈

子

二十箇
去殼

右先將三味同為細末次研入上二味煉蜜和成劑
收之每一歲兒可服半皂子大餘以意加減煎鈎藤
湯化下無時次用魏香散

魏香散

蓬莪茂

半兩濕紙裹煨

真阿魏

一錢

右先用溫水化阿魏浸蓬莪茂一晝夜切焙乾為末
每服半錢煎紫蘇米飲空心調下軀啼稍愈服開胃
丸

開胃丸

白朮 木香 蓬莪茂 人參 當歸

各半兩

白芍

藥

一分

右為細末湯浸炊餅為丸如黍米大每服五十丸空

心食前煎麝香湯下

白朮當歸煎丸 治胎寒腹痛遇夜啼叫身體軀張有如癰狀吐衄不止大便酸臭乳食雖多不生肌膚

白朮 當歸 木香

右等分為細末煉蜜為丸如桐子大每服一九煎木香湯化下

六神散 治腹痛啼哭面青口中冷氣四肢亦冷曲腰而啼或大便泄瀉及不吮乳

人參

山藥

白朮

各半兩

甘草

二錢茯苓

扁豆

炒各

一兩

右為末每服二錢薑二片棗一枚煎服一方用當歸
白芍藥人參各二錢半甘草桔梗陳皮各一錢為散
每服二錢水煎時時服

夜啼三因小兒夜啼有四證一曰寒二曰熱三曰重舌
口瘡四曰客忤寒則腹痛而啼面青白口有冷氣腹亦
冷曲腰而啼此寒證也熱則心躁而啼面赤小便赤口

中熱腹煖啼時或有汗仰身而啼此熱也若重舌口瘡
要吮乳不得口到乳上即啼身額皆微熱急取燈照口
若無瘡舌必重也客忤者見生人氣忤犯而啼也各隨
證治之 曾夜啼者有驚熱夜啼有心熱夜啼有寒疝
夜啼有誤觸神祇夜啼此四者詳具于後 驚熱者為
衣衾太厚或抱于極暖處久坐致生煩悶邪熱攻心心
主神神亂則驚心與小腸為表裏故啼泣而遺溺者是
也治法退熱鎮心則自安矣用百解散急驚牛蒡湯喉咽三

解散

熱潮

主之

心熱者見燈愈啼面紅多淚無燈則稍

息蓋火者陽物也心熱遇火兩陽相搏才有燈而啼甚

故經曰火疾風生乃能雨此其義也宜涼心安神用百

解散或五苓散

俱驚

加黃芩甘草水煎服次牛蒡湯

咽

三

解散

熱潮

及琥珀抱龍丸

驚

為治

有遇黃昏後至更盡

時哭多睡少有啼聲不已直到天明乃胎中受寒遇夜

則陰勝而陽微故腰曲額汗眼中無淚面瑩白而夾青

伏卧而啼入盤腸內弟之證者為寒疝治法去宿冷溫

下焦白芍藥湯

疝

烏梅散

腹

及冲和飲

傷寒

加鹽炒茱萸

茴香水薑煎服及釣藤膏亦佳

誤觸神祇者面色紫

黑氣鬱如怒呼時若有恐懼及睡中驚惕兩手抱母大

哭不休此誤觸禁忌神祇而得或因惡祟所侵蓋嬰孩

目有所覩口不能言但驚哭無時指紋俱隱故玉環集

云忽然兩手形無見定知唐突惡神靈治法先解其表

宜百解散

驚

次驅邪鎮心用蘇合香丸

容

琥珀抱龍丸

驚投之自效

演山王氏舉水鏡先生云天蒼蒼地王

王小兒夜啼踈客堂又云啼而不哭是煩哭而不啼是躁無辜賦云夜多啼而似崇凡初生兒日夜煩啼如有崇或謂熱在心驚藥與踈利或謂寒停臟腑與服溫煖醫者察而治之乃善也若兒啼哭胃堂仰突首反張喜見燈者心經有熱宜踈利服三黃丸或洗心散加燈心麥門冬子良若兒啼哭頭低身曲腹閉肚緊者臟腑留寒宜與溫之胃風湯加黃芪煎效若不識證候但以蟬蛻二七枚全者去大腳為末加朱砂一字蜜調於吻立

效 薛夜啼有二曰脾寒曰心熱也夜屬陰陰勝則脾
臟之寒愈盛脾為至陰喜溫而惡寒寒則腹中作痛故
曲腰而啼其候面青白手腹俱冷不思乳食是也亦曰
胎寒用釣藤散若見燈愈啼者心熱也心屬火見燈則
煩熱内生兩陽相搏故仰身而啼其候面赤手腹俱緩
口中氣熱是也用導赤散若面色白黑睛少屬腎氣不
足至夜陰虛而啼也宜用六味丸若兼泄瀉不乳脾腎
虛弱也用六神散若兼吐瀉少食脾胃虛寒也用六君

炮木香大便不化食少腹脹脾氣虛弱也用異功散心
血不足者秘旨安神丸木火相搏者柴胡梔子散肝血
不足者地黃丸大抵此證或因吐瀉內亡津液或稟賦
腎陰不足不能滋養肝木或乳母恚怒肝火侮金當用
六君子湯補脾土以生肺金地黃丸壯腎水以滋肝木
若乳母鬱悶而致者用加味歸脾湯乳母暴怒者加味
小柴胡湯乳母心肝熱搏柴胡梔子散仍宜參容忤驚
啼覽之

心鑑治小兒一百二十日內夜啼用蟬蛻四十九箇去前截用後截為末分四服釣藤湯調灌之

普陰蟬花散 治小兒夜啼不止狀若鬼祟用蟬蛻下

半截為末一字薄荷湯入酒少許調下或者不信將上半截為末前湯調下即復啼也古人立方莫知其妙

寒夜啼錢乙論夜啼云脾藏冷而痛也當與溫中藥及以法穰之花火膏主之

花火膏 取燈火一顆塗乳上令兒吮之

錢氏當歸丸 凡崇兒夜啼者臟寒而腹痛也面青手冷不吮乳者是也宜此方

當歸

白芍藥

人參

各一分

甘草

炙半

桔梗

陳

橘皮

不去白
各一錢

右為細末水煎半錢時時少與服又有熱痛亦啼叫不止夜發面赤唇焦小便黃赤與三黃丸人參湯下

三黃丸方

見實熱

張渙萬金散

治嬰兒臟寒稟氣怯弱或多顛解面色

青白遇夜多啼甚者煩悶狀若神祟亦由觸犯禁忌所致此名曰夜啼宜用此方

沉香

剉

丁香

人參

五味子

當歸

各一兩

赤芍

藥

白朮

各半兩

桂心

一分

右件擣羅為細末每服一錢用淡溫漿水一小盞煎至五分放溫時時滴兒口中立效

田氏五味子散

治小兒夜啼及腹痛至夜輒劇狀似

鬼祟

五味子 當歸 赤芍藥 白朮 茯苓 陳

各半兩

皮 桂心 甘草

炙各二錢半

右為麤末水煎量兒大小加減

鈎藤膏 治百日內嬰孩面青腹痛夜啼及周歲已上

者盤腸內弔諸疝氣疾

鈎藤

和鈎

玄胡索

當歸

酒洗

粉草

炙

乳香

各五錢

肉桂

去麤皮

麝香

一字

二錢

右前四味焙乾桂不過火乳香弱葉裏熨斗盛火熨

透候冷入乳鉢同麝細杵後入前藥末再杵勻煉蜜
丸芡實大每用一九至二九白湯空心化服

鉤藤飲 治小兒夜啼乃臟冷也陰盛於夜則冷動冷
動則為陰極發躁寒盛作疼所以夜啼不歇也鉤藤
散主之治驚啼加蟬蛻防風天麻

鉤藤 鈎 茯神 茯苓 川芎 當歸 木香

甘草 白藥

各一錢

右為末每服一錢薑棗畧煎服其或心熱而煩啼必

有臉紅舌白小便赤澀之證鈎藤飲去木香加朱砂末一錢研和每服一錢木通湯調下或剉散亦可聖惠乳頭散 治小兒夜啼不止腹中痛

黃芪

剉

甘草

炙

當歸

赤芍藥

木香

右各等分擣細羅為散每服取少許着乳頭上因兒喫乳服之

蒜乳丸治腹痛夜啼

方見腹痛

熱夜啼錢氏云三黃丸治腹熱痛

熱痛腰不曲肢不冷也

夜啼面

赤唇焦便赤用人參湯下

方見裏熱

吉氏朱砂膏 治諸驚啼夜啼

朱砂 人參 白茯苓 甘草

各一錢

麝

各少許

右末蜜為丸每服一塊如皂子大金銀薄荷湯下

安神散 治一應驚啼

犀角 雄黃 人參 車前子

各半兩

茯苓

一兩

右五味為末每服一錢桃仁湯下

大國燈花散 治熱證心躁夜啼以燈花三四顆研細

燈心煎湯調塗口中以乳汁送下日三服 燈花用
燈心燒灰亦妙 又一法燈花七枚鵬砂一字辰砂
少許研細蜜調抹唇上立安

茅先生抹唇膏 主小兒夜啼

蟬殼

一箇
去足

燈花

兩
朵

朱砂

少
許

右為末如小兒夜啼遇夜用雞冠血調藥抹兒上下
兩唇即止夾朱砂膏與服

丹溪治小兒夜啼

人參

二錢半

黃連

一錢半

甘草

炙五分

竹葉

二十片

生薑

一片

右水煎服

澹寮龍齒散

方見前即本事龍齒散但無羌活

小兒夜啼黃連薑汁炒甘草竹葉燈心煎服

口瘡重舌夜啼三因蒲黃散

真蒲黃

微炒紙鋪地上出火氣

右研細每抄些少摻舌下時時摻之更以溫水蘸熟

帛裹指輕輕按掠之按罷摻藥

牡蠣散

方見口瘡

客肝夜啼治客忤夜啼法用本家厨下燒殘火柴頭一箇以火焦頭為上朱書云吾是天上五雷公將來作神將能收夜啼鬼一縛永不放急急如太上老君律令勅書了勿令兒知立在牀下倚牀前腳裏立之男左女右效

黃土散 治小兒卒客忤

竈中黃土

蚯蚓屎

各等分

右研勻和水塗兒頭上及五心良

襁厭法千金治夜啼方

右以妊娠時食飲偏所思者物哺兒即效

外臺必效小兒夜啼方

以日未出時及日午時仰卧於臍上橫文中屏血以
朱書作血字其夜即斷聲效

陳藏器餘云井口邊草主小兒夜啼着母卧席下勿

令母知

子母秘錄治小兒夜啼 甌帶懸戶上

孟詵小兒夜啼 取乾牛糞如手大安卧蓆下勿令母知子母俱吉

集驗方仙人杖小兒驚癇及夜啼安身伴睡良 日華

子云豬窠內有草治小兒夜啼安蓆下勿令母知

日華子云用雌雞翼治小兒夜啼安蓆下勿令母知

聖惠方

右臍下書甲字差

又方 取樹孔中草着戶上立止

又方 以車輞盜安母卧床下勿令母知

又方 取荒廢井中敗草懸戶上良

又方 取牛糞灰安母卧下勿令母知

又治小兒夜啼符法三道

屨

此符左右手中貼之

①

此符

臍中貼之

水龜

貼房門上

嬰孺治小兒夜啼法

右令母脫去上衣只着中衣跪宅四角曰西方白帝

東方青帝南方赤帝北方黑帝中央黃帝乞斷某甲
夜啼荷恩之日奉還酒脯隨意所用還法安五畔置
中庭四角故四角四畔中央一畔啟額膽五帝說曰
今日奉還隨意所祝願之

劉氏方 治小兒夜啼 瀉若以色見我以音聲求我
是人行邪道不能見如來燒灰吞之男左一本女右
一本

灸法寶鑑灸幼宮三壯又灸中指甲後一分 萬全方

炙小兒夜啼上燈啼鷄鳴止者炙中指甲後一分中衝
穴一壯炷如小麥大

瘡

薛經云舌者音聲之機也喉者音聲之關也小兒卒然
無音者乃寒氣客于會厭則厭不能發發不能下致其
門闔不制故無音也若咽喉音聲如故而舌不能轉運
言語則為舌瘡此乃風冷之邪客於脾之絡或中於舌
下廉泉穴所致也蓋舌乃心之苗心發聲為言風邪阻

寒經絡故舌不能轉運也若舌本不能轉運言語而喉
中聲嘶者則為喉瘖此亦為風冷所客使氣道不通故
聲不得發而喉無音也然或風痰阻塞或因心經氣虛
或因脾之脈絡受風或因風痰滯於脾之絡或因脾氣
不足或胃中清氣不升皆足以致瘖大抵此證亦有稟
父腎氣不足不能言者有乳母五志之火遺兒薰閉清
道不能言者或兒病津液耗損會厭乾涸不能言者或
腎氣不充虛火上炎傷肺不能言者有驚風中風不能

言者若遺熱與津液耗者用七味白朮散清氣不升者用補中益氣湯稟腎不足與虛火傷肺者用六味地黃丸若仰首咳嗽肢體羸瘦目白睛多或兼解顙呵欠咬牙等證悉屬腎虛非地黃丸不能救也

卒失音巢氏云喉嚨者氣之道路喉厭者聲音之門門戶有暴寒氣客於喉厭得寒即不能發聲故卒然失音也不能語者語聲不出非牙關噤也

病後瘖錢氏論腎怯失音相似病吐瀉及大病後雖有

聲而不能言又能嚥藥此非失音為腎怯不能上接於陽故也補腎地黃丸腎主之失音乃卒病耳

吉氏家傳治小兒患後聲不出

酸棗仁

去殼一錢

白茯苓

半錢

朱砂

二錢

右件為末 丸如豆大每服一丸人參湯下

聖惠鷄頭丸

見舌

驚退而瘖漢東王先生通關散 治小兒驚風並退只是聲啞不能言

右以天南星炮為末每服嬰孩半字或一字三五歲
半錢八九歲一錢獺豬膽汁調下令孩兒喫嚥入喉
中便能言語

集驗方治小兒驚退而啞不能言語

木通

判

防風

去蘆

川升麻

羚羊角

屑

桂心

已上各

半兩

甘草

炙二

錢半

右件藥擣為麤散每服一錢水一小盞煎至五分去
滓入竹瀝少許更煎一兩沸不計時候量兒大小加

減服之

集驗又方

臘月牛膽釀天南星

不拘多少

右研細每服半字薄荷湯調下臨卧服兒大者服一字至半錢

癰瘡而瘡巢氏病原小兒發癰差後六七歲不能語候風癰發之狀口眼相引或目睛上搖或手足瘳癱或脊背強直或頸項反折屈搐如數皆由以兒當風取涼乳

哺失節之所為也而癰發瘰後不能語者是風癰因兒
衣厚汗出以兒乘風取涼太過為風所傷得之其初發
之狀屈指如數然後發瘰癧是也心之聲為言開竅於
口其癰發雖止風冷之氣猶滯心之絡脈使心氣不和
其聲不發故不能言也

千金大補心湯 治小兒癰差後風冷留滯於心絡使
心氣不和語聲不發

黃芩 附子

炮去皮臍
各一兩

甘草 茯苓

桂心

各三兩

石膏

半夏

遠志肉

各四兩

生薑

六兩

大棗

二十枚

飴

糖

一觔

乾地黄

阿膠

麥門冬

各三兩

右件藥呿咀每服一大撮入煎飴糖半匙許水一盞

半煎半盞服之

中風失音聖惠治小兒中風失音不語舌根強硬方

陳醬汁

半合

人乳

二合

右件藥相和合令勻少少與兒服之

張渙竹瀝膏

治小兒中風失音不語牙關緊急

竹瀝

依法旋取

生地黄

取汁

蜜各半合已上攪勻

桂心

末為

石菖蒲

一寸九節者取末各一兩

右件都一處調勻慢火熬成膏硬軟得所如皂子大每服一粒取梨汁化下

救生菖陽湯 治小兒中風昏

石菖蒲 天麻 生烏蛇肉 全蝎 白殭蠶

附子

炮去皮臍

羌活

人參

白附子

各半兩

右為麤末每服三錢水兩盞生薑五片薄荷五葉煎

至一盞濾去 溫熱時時與服

醒脾散 治小兒驚搐後不語

甘草

炙一錢

冬瓜子

防風

各半兩

人參

一分

右件為細末每服一錢用水一盞入竹葉數片燈心
少許同煎至七分去滓食後溫服臨睡

傷寒失音茅先生傷寒失音語不得方

金毛狗脊

甘草

等分

右為末每服一錢用黃蠟一塊指頭大水六分同煎

四分服

集驗方 治小兒傷寒失音不能語

桂
指面大

右含桂口中漸漸聲音如舊

鼻

張渙按小兒肺氣通於鼻氣為陽若氣受風寒停滯鼻間則成鼻塞氣塞使津液不收則多涕若冷氣久不散膿涕結聚使鼻不聞香臭則成齇鼻若挾熱則鼻乾皆

妨害乳食

巢氏云鼻乃肺之竅皮毛腠理乃肺之

主此因風邪客於肺而鼻塞不利者宜用消風散或用
蔥白七莖入油膩粉少許搗攤絹帛上掌中護溫貼顙
門因驚仆氣散血無所羈而鼻衄者用異功散加柴胡
山梔左臉青而兼赤者先用柴胡清肝散後用地黃丸
右臉赤乃肺大腸實熱也用瀉白散鼻色赤乃脾胃實
熱也用瀉黃散微赤乃脾經虛熱也用異功散加升麻
柴胡色深黃用濟生犀角地黃湯後用楊氏地黃散淡

白色用六君子湯頰間色赤用四物湯加山梔赤甚用五淋散小便赤色用六味丸補中益氣湯唇色白用六君子湯久不愈用麥門冬飲子若初病元氣未虧乳食如常發熱壯熱二便秘結作渴飲水卧不露睛者悉屬形病俱實當治邪氣若病久元氣已虧食少發熱口乾飲湯嘔吐泄瀉肢體畏寒卧而露睛者悉屬形病俱虛當補正氣為要

鼻塞演山凡產牙兒三朝五日六晨一臘忽然鼻塞吻

乳不能開口呼吸者多是乳母安睡之時不知持上兒
子鼻中出息吹着兒顙或以水浴洗用水溫冷不避風
邪所以致兒鼻塞宜與通關膏傳之消風散服之或有
驚悸作熱薄荷散與服通關膏用白殭蠶豬牙皂角
荊芥香附子川芎細辛等分為末葱白同研傳顙至妙
消風散治胎熱胎寒兼治諸風上攻頭目昏痛項背
拘急肢疼目眩旋暈鼻塞多嚏皮膚頑麻癢瘡癰疹
小兒虛風

茯苓 川芎 羌活 荊芥穗 防風

去蘆 藿香

僵蠶

炒

蟬蛻

去嘴 瓜

甘草

炙

厚朴

製

陳皮

去白 各等分

右為末每服五分茶清調下薄荷湯亦可急慢驚風
乳香荊芥湯調下或加雄黃名雄風散

薄荷湯 治鼻塞不通及夾驚傷寒極熱變蒸

薄荷葉

五錢

羌活

全蝎

麻黃

去節

甘草

僵蠶

炒 各

一錢 天竺黃

白附子

各二錢 半煨

右為末薄荷湯調下熱極生風加竹瀝少許一方有

柴胡台芎桔梗茯苓無全蝎僵蠶天竺白附

張渙辛夷膏

辛夷葉

一兩洗
焙乾

細辛

木通

杏白芷

木香

各半

兩

已上搗羅為細末次用

香仁

一分湯浸
去皮尖研

右件用羊髓豬脂各二兩同諸藥相和於石器中慢火熬成膏赤黃色放冷入龍腦麝香各一錢拌勻每用少許塗鼻中若乳下嬰兒妳母吹著兒顙鼻塞者只塗顙上

張雞峯方 治顙開不合鼻塞不通

右以天南星大者一枚微炮為末以淡醋調塗緋帛
上以貼顙上炙熱手頻熨之

莊氏治小兒鼻塞方

右以槐葉為末用乳母唾調厚塗顙上

吉氏葱涎膏 治小兒生三五日鼻塞氣急飲乳之時

啼叫不止

葱葉

豬牙皂角

為末去皮
各七條

右爛研同皂角末成膏貼顙門上差

鱘鼻聖惠龍腦散 治小兒鼻鱘不聞香臭

龍腦

半錢
細研

瓜蒂

十四枚

赤小豆

三十粒

黃連

三大莖
去鬚

右件藥搗細羅為散入龍腦研令勻每夜臨卧時以
菜豆大吹入鼻中每用有少許清水出為效

張渙清肺膏 治鱘鼻病

瓜蒂

半兩附子

一枚炮
去皮臍

赤小豆

細辛

甘草

各一分
已

上搗羅
為細末

右件入龍腦一錢研勻煉蜜和九絲裹內鼻中隨鼻之大小

右二方前一方有熱者宜之後一方有寒者宜之

鼻流清涕聖惠夫肺氣通於鼻若其藏為風冷所傷冷隨氣乘於鼻故使液涕不收也夫津液涕唾得熱則乾燥得冷則流溢也

張渙菊花散 治鼻塞多涕等病

甘菊

防風

前胡

各一兩

細辛

桂心

各半兩

甘草

分一

右件搗羅為細末每服半錢研入乳香少許煎荊芥湯調下乳後

聖惠菊花散 治小兒腦戶傷於風冷鼻內多涕精神

昏悶

甘菊花 白朮 細辛 白茯苓 甘草 防

炙微赤剉

風人參

並去蘆各一分

右件藥搗粗羅為散每服一錢以水一小盞入生薑

少許煎至五分去滓不計時候量兒大小以意加減
溫服

萬全方芎藭散 治證同前

芎藭

半兩

甘菊花

白朮

防風

人參

細辛

白茯苓

甘草

炙各一分

右件藥搗羅為散每服一錢以水一盞生薑少許煎
至五分去滓溫服

鼻乾無涕聖惠夫小兒肺臟壅滯有積熱上攻於腦則

令腦熱也又肺氣通於鼻主於涕若其臟有熱則津液乾燥故令無涕也

聖惠木通散 治小兒腦熱無涕口乾心躁眠卧不安

木通

剉

麥門冬

焙去心

川升麻

各半兩

知母

犀角屑

甘草

炙微赤剉

杏仁

湯浸去皮尖雙仁麩炒微黃各一分

梔子仁

三枚

右件藥搗羅為麤散每服一錢以水一小盞煎至五分去滓不計時候量兒大小加減溫服

張渙犀角升麻散 治腦熱肺壅鼻乾病

犀角屑

一兩

川升麻

馬牙硝

黃連

各半兩

已上搗

羅為細末次用

朱砂

細研水飛半兩

牛黃

龍腦

各一分研

細

右件搗羅為細末每服半錢溫蜜湯調下乳食後

萬全方麥門冬丸

治小兒心肺壅熱腦乾無涕時有

煩躁

麥門冬

去心焙一兩

龍腦

細研半分

甘草

炙

牛黃

研入各一分

黃

連赤茯苓

犀角屑

粉霜

朱砂

馬牙硝

各生乾地黄 子苓 各半
兩

右件藥搗羅為末入研了藥都研令勻每服半錢以
溫蜜湯調下

鼻有息肉千金翼論曰凡人往往有鼻中肉塞眠食皆
不快利得鼻中出息而俗方亦衆而用之皆無成效惟
見本草云雄黃主鼻中息肉此言不虛但時人不知用
雄黃之法醫者生用故致困斃曾有一人患鼻不得喘
息余以成鍊雄黃日內一大棗許大過十日內塞自出

當時即得喘息更不重發其鍊雄黃法在千金翼仙丹方中具有之宜尋求也期有神驗

千金治小兒鼻塞生息肉方

通草

細辛

各一兩

右二味搗末取藥如豆著綿纏頭內鼻中日二服

千金翼治鼻中息肉塞鼻不得喘息方 取細辛以口

濕之屈頭內鼻中傍內四畔多著日十易之滿二十

日外以

葶藶

一兩半
兩半

右二味擣篩以綿裹薄如棗核大內鼻日日五六易之滿二十日外以吳白礬上上者二兩瓦坯裹相合令置窰中燒之待瓦熟取擣篩以面脂和如棗核大內鼻中日五六易盡更和不得頓和二十日外乃差慎行勿勞及熱食并蒜麪百日

千金翼治鼽鼻有息肉不聞香臭方

瓜蒂 細辛

各半兩

右二味為散絮裹豆大塞鼻中須臾即通

鼻赤丹溪治小兒赤鼻

雄黃 黃丹

各等分

用無根水調傳 或用菖蒲半葉酒蒸為末調服解

食毒

無根水者天落雨水用碗盛之者是也

薛氏云鼻色赤乃脾胃實熱也用瀉黃散微赤乃脾經虛熱也用異功散加升麻柴胡色深黃用濟生犀角地黃湯後用楊氏地黃散淡白色用六君子湯

楊氏地黃散 治榮中有熱肺壅鼻衄

生地黃 赤芍藥 當歸身 川芎

各等分

右每服二三錢水煎熟入蒲黃少許春夏入地黃汁蒲黃各少許秋冬用車前子汁少許

龜胸

錢肺熱脹滿攻於胸膈即成龜胸又乳母多食五辛亦成張乳母乳兒常捏去宿乳夏常洗乳淨捏去熱乳若令兒飲熱乳損傷肺氣胸高脹滿令兒胸高如龜乃名龜胸曾此候因風痰停飲聚積心胸再感風熱肺

為諸臟華蓋居於膈上水氣汎溢則肺為之浮日久凝而為痰停滯心胸兼以風熱內發其外證唇紅面赤咳嗽喘促致胸骨高如覆掌名曰龜胸治法寬肺化痰利膈以除肺經痰飲先用五苓散和寬氣飲入薑汁葱湯調服次清肺飲雄黃散碧玉丸如意膏為治 若投前藥愈而復作傳變目睛直視痰涎上湧兼以發搐則難治矣 薛龜胸龜背多因小兒元氣未充腠理不密風邪所乘或痰飲鬱結風熱交攻而致法當調補血氣為

主而以清熱消痰佐之若因乳母膏粱厚味者當以清
胃散治其母子亦服少許

聖惠大黃丸 治龜胃肺熱壅滯心膈滿悶

川大黃

七錢半
微炒

天門冬

焙

百合

杏仁

麩炒
微黃

木通

桑白皮

甜葶藶

隔紙
炙紫

川朴硝

各五
錢

右為細末蜜丸如菉豆大不時溫水研五丸量兒大
小加減幼科類萃去朴硝加百合石膏

曾百合丹

即大黃
九加減

百合

一兩

川朴硝

杏仁

湯浸去皮尖

桑根白皮

木通

川大黃

天門冬

去心各半兩

右為極細末煉蜜和如黍米大每服十粒米飲送下

量兒大小加減

曾五苓散

見驚

寬氣飲

見驚

清肺飲

見咳嗽

雄黃散

見驚

碧玉丸

見咳嗽

如聖膏

丹治小兒龜胸方

蒼朮

黃檗

酒炒

芍藥

炒

陳皮

防風

山查

威

靈仙 加當歸 又利後加生地黃

右為末煉蜜丸食後溫水下

外治法 龜尿摩胸骨上瘡

灸法田氏取兩乳前各一寸五分上兩行三骨罅間六處各三壯炷如麥春夏從下灸上秋冬從上灸下莊氏取九家灰壹斗盛簣箕中令兒合面印胸跡于龜背從上當中及兩邊令三娃人同下火各於灰上灸三壯棄灰河流或水中

龜背

聖惠坐兒稍早為客風吹脊風氣達髓使背高如龜雖有藥方多成痼疾以灸法為要 錢兒生下客風入脊逐於骨髓即成龜背治之以龜尿點節骨取尿之法當安龜在蓮葉上後用鏡照之其尿自出以物盛之 張嬰兒生後一百八十日始髑骨成方能獨坐若強令兒坐之太早即客風寒吹著兒背及脊至骨傳入於髓使背高如龜之狀以松蘿丹療之

松藥丹 治龜背病

松花

洗焙乾

枳殼

去瓢麩炒

獨活

防風

去蘆又各一兩

川大黃

炮

前胡

麻黃

去根節

桂心

各半兩

右為細末煉蜜和如黍米大每服十粒粥飲下量兒

大小加減

聖惠麻黃丸多芍藥少前胡

一方多

檳榔訶皮

一方無松花有當歸煮麵糊丸名枳殼

防風丸

聖惠灸法當灸第三椎骨節下兩旁各一寸半肺俞穴

及第五椎骨節下兩旁各一寸半心俞穴又第七椎骨節下兩旁各一寸半鬲俞穴以小兒中指節為一寸艾炷如小麥大三五壯即止此法累用十有一二得效亦無全效之功

顧頤經云符殿直之孫
紹熙辛亥春灸即效

脫肛

曾肺與大腸為表裏肛者大腸之門肺實熱則閉結不通肺虛寒則腸頭出露有因痢久裏急後重努力肛開為外風所吹或伏暑作瀉腸滑不禁或稟賦怯弱易於

感冷亦致大腸虛脫凡小兒所患瀉痢皆因暑濕風熱
乘脾胃虛而得蓋風屬木木勝則制土土主脾胃虛而
受制又濕喜傷脾因虛受濕不能分別清濁水穀交雜
則為洞泄洞泄既久大腸亦虛大腸乃手陽明燥金而
土虛不能生金金氣既虛則傳送之道亦虛又為風冷
所襲故肛門脫而不收怯宜補脾溫胃使金得受母之
益而氣實宜藿香飲不乳食 勻氣散疳食 平胃散不乳食 主之
次則內投固腸之劑用健脾飲不乳食 養臟湯痢服餌外

以敷貼之法用伏龍肝散傳之及草麻膏貼顙門使引氣上令其自收如收盡仍以水洗去其膏及有邪熱積滯於大腸未經疎滌亦成此疾其肛門色紅而軟肺脈浮數右手指紋紫見身微有熱時或煩躁先投清肺飲嗽疎解次用薄荷散蟠龍散為治間服萬安飲亦佳

薛巢氏云實熱則大便秘結虛寒則肛門脫出此多因吐瀉脾氣虛肺無所養故大腸之氣虛脫而下陷也用補中益氣或四君子為主若脫出緋赤或作痛者血虛

而有熱也用補中益氣湯佐以四物牡丹皮微者或作
痛者氣虛而有熱也佐以四君牡丹皮大凡手足指熱
者屬胃氣熱手足指寒者屬胃氣寒 湯氏方治脫肛
大腸自糞門出宜用葱湯薰洗令軟款款送上此因瀉
利得之者亦可服瀉利之藥然後用槐花等藥又有用
一味五倍子煎湯入朴硝薰洗而縮者又有用真蒲黃
碾極細以猪脂拌勻傅肛門上而入者全嬰方用瀝腸
散兼有痔證腫痛者用黃丹滑石等分井水調塗即消

并用鉛白霜半錢片腦半字好酒調傳腫處甚佳黃連解毒湯亦可服用苦參湯洗亦效亦有蜜陀僧白礬腦子末之傳上更用荊芥防風等項洗之用生栝樓根者效

內服張渙蕪荑丹 治小兒久痢頻併大腸虛冷肛門

脫出

白蕪荑

微炒

鼈甲

塗酥炙黃去襖褸

蝸牛皮

炙令焦黃

磁石

燒醋煎七

通細研水飛各一兩

蚺蛇膽

黃連

去鬚微炒各半兩

右件搗羅為末用軟飯和丸如黍米大每服十粒粥飲下量兒大小加減乳食前

妙應散

葇荬子

淘去浮者
炒令黑色

天台烏藥

各一兩已上搗
羅為細末次入

白麵

一分
龍腦半錢

右件都拌勻每服一字蜜湯下乳食前

曾氏花荷散 治陽證脫肛

薄荷

和梗

骨碎補

去毛各半兩

金罌刺根

七錢半

甘草

二錢半

右剉碎每服二錢水一盞入無灰酒大匙煎七分空心溫服或無時

聚寶方象豆丸 治諸痢脫肛

楹藤子

一名象豆出廣南山林間如通草藤紫黑

右一味為末每服二錢血痢熱酒調下三服必效白痢傾打破取仁子碎碾銀器中慢火炒黃褐色碾細羅一兩遍後若帶白時再炒褐色為末宿蒸餅湯浸却握乾和圓䟽豆大略焙乾每服十五丸至二十九

倉米飲溫下空心食前服痢差即止蟲毒五痔小兒
脫肛並可為末酒調下立愈

茅先生方用破故紙一兩於瓦土焙乾為末每服一字
或半錢米飲調下 吳茱萸末亦可嬰孺用黃連黃
檗二味為末蜜丸桐子大飲下三九日三四服

莊氏用乾蓮蓬焙乾為末米飲調下一二錢
湯氏治大腸虛弱肛門脫下方

龍骨 訶子

煨去核
各壹兩

沒石子

大者
貳枚

罌粟殼

去核醋塗
炙貳錢

右為末白湯點服仍用蔥湯薰洗令軟欸欸以手托入用新磚瓦燒紅以醋澆之氣上即用脚布疊數重壓定使熱氣上透不可過熱令病者以臀坐於布上如覺布溫逐旋減之以常得溫熱為度并常服前藥潔古五倍子散 治小兒脫肛

五倍子 地榆

各等分

右為細末每服半錢或一錢空心米飲調下

外治錢氏赤石脂散 治小兒因痢後努軀氣下推出

肛門不入

軀於建反用力努腹也

真赤石脂

伏龍肝

各等分

右為細末每用五分傳肛頭上頻用按入

曾氏蟠龍散

治陽證脫肛

乾地龍蟠

如錢樣者佳畧去土一兩

風化朴硝

二錢

右剉焙研為細末仍和勻朴硝每以二錢至三錢肛門濕潤乾塗或乾燥用清油調塗先以見毒消荊芥生蔥煮水候溫浴洗輕與拭乾然後傳藥

伏龍肝散 治陰證脫肛

伏龍肝

一兩 鼈頭骨

一具 百藥煎

二錢

右三味焙研為末每用一錢至三錢濃煎紫蘇湯候

溫和清油調塗患處並如前法浴洗拭乾方上藥

治小兒脫肛用五倍子為末量多少摻患處以物襯手

揉入切忌食發風毒物 脫肛治法用蒲黃一兩猪脂

二兩煉豬脂和蒲黃成膏塗腸頭上即縮入

水聖散 治小兒脫肛不收用浮萍草不以多少杵為

細末乾貼患處

泄腸散 治小兒久痢大腸頭脫出不收

訶子

炮

赤石脂

龍骨

各等分

右為末臘茶少許和藥摻腸頭上絹帛揉入又治痢
米湯調下又方治脫肛五倍子焙為末入茶依前方
用

勝雪膏 治隨腸番花鼠妳等痔熱痛不可忍或已成
瘡者並皆治之

片腦 風化硝

右件各半字用好酒少許研成膏子塗之隨手輒愈
治大人小兒脫肛不收方連翹不以多少洗淨為細末
先以鹽水洗後用藥末時時乾傳脫肛上立差

蓖麻膏 治暴患脫肛

蓖麻子 壹兩

右件爛杵為膏捻作餅子兩指寬大貼頓上如陰證
脫肛加生附子末葱蒜同研作膏依前法貼之

朱氏家傳 治小兒脫肛方

右用磁母石以石礮為末麵糊為丸如菜豆大熟水下五七丸後以磨刀水洗脫肛處立效

脫肛用東北方陳壁泥土湯泡先洗下後熏上

保生信效 治久病腸風痔漏腸出不收至有出數寸者苦楚良極小兒久瀉痢亦名此疾

右先用五倍子四兩以水五升煎湯一兩沸投入朴硝四兩通手淋洗至水冷即止若覺熱痛即津唾調

熊膽塗之痛即止當漸收甚者不過淋洗三五次收盡竊詳此藥朴硝能軟五倍子能收二物相須以為用也或更以乾蜘蛛末摻之乘熱以軟帛溫入尤妙

摻蜘蛛者與

葛氏方同

九箭衛生療小兒脫肛方

香附子 荊芥穗

各等分

右同為麤末每用三匙水一大碗煎十數沸淋漂

苦參湯 治脫肛并痔

枳殼 黃連 大黃 甘草 荊芥 苦參 赤

芍藥

黃芩

各等分

右剉散每用五錢以車前子茅草同煎薰洗

小兒脫肛瀉血秋深不痊灸龜尾一壯炷如小麥大脊
端窮骨也 小兒脫肛者灸臍中三壯 小兒脫肛久
不瘥及風癰中風角弓反張多哭言語不擇發無時節
盛即吐沫者取百會一穴灸七壯在鼻直入髮際五寸
頂中央旋毛中可容豆炷如小麥大

肛痒

薛小兒肛痒或嗜甘肥大腸濕熱壅滯或濕毒生蟲而
蝕肛門若因濕熱壅滯用四味肥兒丸疳大便秘結者

用清涼飲

裏熱

蟲蝕肛門先用化蟲丸後用四味肥兒丸

外以雄黃散納肛內若因病不食蟲無所養而食臟食
肛者其齒齲無色舌上盡白四肢倦怠其上唇內有瘡
唾血如粟心內懊懣此蟲在上食臟若下唇內有瘡此
蟲在下蝕肛門若蝕肛透內者不治諸蟲惟上半月頭

向上可用藥追之望後頭向下令患者聞烹食香味蟲
頭即向上矣後用藥追之 一兒嗜膏粱甘味患疥瘡

余謂當禁其厚味急用清胃之藥以治其積熱不從乃
用敷藥以治其外更肛門作痒發熱瘡益甚肌體骨立
飲食少思遂用九味蘆薈丸 疳 五味異功散 吐瀉 加柴胡

升麻尋愈 一兒肛門作痒耳前後結小核如貫珠隱
於肌肉之間小便不調面色青此稟母之肝火為患用
九味蘆薈丸為主佐以五味異功加山梔柴胡又以加

味逍遙散

發熱

加漏蘆與母服而愈 一兒十三歲肛門

作痒或脫出或大便血遍身生瘡發熱作渴腹大青筋

用大蘆薈丸五味異功散其瘡漸愈佐以補中益氣湯

熱渴漸止肛門悉愈又用異功散為主佐以補中益氣

湯

虛熱

加吳茱萸所製黃連治之而血愈 一兒十五歲

兩目白翳遍身似疥非疥肛門作痒晡熱口渴形體骨

立余以為肝疳之證也用六味地黃丸而痊後陰莖作

痒小便澄白服蟠葱散肛門腫痛服大黃等藥肛門脫

出作痒不可忍雜用降火之藥不應下唇内生小白瘡
余以為蟲蝕肛門用九味蘆薈丸而愈 一小兒肛門
作痒誤以為痔服槐角丸等藥肢體消瘦鼻下濕爛下
唇内生瘡此蟲食下部也先用化蟲丸二服乃用五味
異功散四劑却用大蕪荑湯疳四味肥兒丸而痊 一
兒七歲飲食過多即作瀉面青黃色服峻利剋劑余謂
當節飲食健脾胃為善不信後牙齦赤爛肛門作痒服
清熱之劑腹痛膨脹復請欲用前劑余曰此元氣虧損

虛火上炎也仍不信後腮間黑腐余曰此脾氣太虛肉死而不知痛也明矣後雖信余已不救矣若初用五味異功散健脾胃為主佐以大蘆薈丸四味肥兒丸清脾濕熱豈有不治之理哉後之患者審之 一小兒肛門作痒屬大腸經風熱用槐角丸而愈 一小兒肛門連陰囊痒出水淋漓屬肝經濕熱也用龍膽瀉肝湯九味蘆薈丸治之並愈 一小兒嗜甘肥肛門作痒發熱作渴雜用清熱之劑腹脹少食鼻下生瘡余謂脾胃濕熱

生蟲也不信後下唇內生瘡先用四味肥兒丸諸證漸愈又用大蕪荑湯治之而痊

化蟲丸 治諸疳生蟲不時啼哭嘔吐清水肚腹脹痛唇口紫黑腸頭濕蟲

蕪荑 青黛 蘆薈 蝦蟆燒灰 川芎 白芷 胡

黃連各等分

右各另為末猪膽浸糕丸如麻子大每服一二十丸

食後并臨卧杏仁湯

雄黃散 治走馬疳並痘毒疳蟲蝕肛門

雄黃

銅綠

各二錢

右為末摻瘡上

腎

錢腎主虛 無實也惟瘡疹腎實則黑陷 兒本虛怯
由胎氣不成則神不足目中白睛多其顱則解因開面
色眊白此皆難養縱長不過八八之數若恣色慾不及
四旬而亡或有因病而致腎虛者非也又腎氣不足則

下竄蓋骨重惟欲墜下而身縮也腎者陰也腎虛則畏

明皆宜補腎地黄丸主之

心氣熱則上竄宜導赤散腎氣虛則下竄宜地黄丸是也

腎病見夏水勝火腎勝心也當治腎輕者腎病退重

者悸動當搖潔腎主寒自病則足脛寒而逆人之五

臟惟腎無實小兒瘡疹變黑陷則是腎實水尅退心火

心乘腎微邪內熱不惡寒桂枝湯主之肺乘腎虛

邪喘嗽皮澁寒百部丸主之肝乘腎實邪拘急氣搐

身寒理中丸主之脾乘腎賊邪體重泄瀉身寒理中

九主之 劉五行之中惟有腎之一臟母盛而子反受邪何則肺屬金射於皮毛所主者氣腎屬水主於骨髓所藏者精氣之輕浮能上而不能下精之沈重能下而不能上此物性之自然今肺之盛蓋熱之作也熱上蒸於肺則不能下生於腎而腎受邪矣急服涼藥解之使肺氣清和而後可此腎病必先求之於肺若肺臟安和而腎忽然受病者不過脾之濕相刑於腎而生疾所以有解肺熱去脾邪兩藥若脾肺兩臟俱和而腎自生疾

亦察其本臟而治之 薛下竄等證足不喜履者蓋腰
以下皆腎所主乃心氣不行於腎部也法用地黃丸壯
腎水以制心火若因脾肺虛而不能生腎水者用補中
益氣湯六味地黃丸以滋化源其瘡疹黑陷乃腎虛而
邪氣實也尤當用地黃丸

地黃丸

錢氏

熟乾地黃

八錢

山茱萸肉

乾山藥

各四錢

澤瀉

牡

丹皮

白茯苓

去皮各三錢

右為末煉蜜和丸如桐子大三歲以下一二至三丸
空心溫水化下

垣或問錢氏地黃丸補腎又曰補肝何也曰然手厥
陰心主色絡足厥陰肝經俱治在下焦經云不足者
滋其化原故肝腎之病同一治法此地黃丸補二經
之意也 海藏云若加五味為腎氣丸此滋肺之源
以生腎水

薛前九治腎肝血虛燥熱作渴小便淋秘痰氣上壅

或風客淫氣癰瘰結核或四肢發搐眼目睵動或咳嗽吐血頭目眩暈或咽喉燥痛口舌瘡裂或自汗盜汗便血諸血或稟賦不足肢體瘦弱解顱失音或畏明下竄五遲五軟腎疳肝疳或早近女色精血虧耗五臟齊損凡屬腎肝諸虛不足之證宜用此以滋化原其功不可盡述

海腎實須澤瀉瀉之腎本無實不可瀉錢氏止有補腎地黃丸無瀉腎之藥 治脈洪而實錢氏地黃丸加生

地黃去山茱萸是也此治左手本部脈實若右尺洪實

以鳳髓丹瀉之

丹髓丹方見
雜病遺精門

解顱顱陷顱填總論

萬金方云小兒有解顱候有顱不合候有顱陷候此三者大同而小異也解顱者謂小兒年長顱應合而不合頭顱開解也腎主骨髓而腦為髓海腎氣不成則髓海不足故骨縫開解也其顱不合與顱陷雖因臟腑有熱熱氣上衝致顱或不合或陷然亦本於腎氣不足也

薛腎主骨骨氣實則腦髓充而顛早合骨脈盛而齒早
合腎氣怯則腦髓虛而顛不合此由父母精血不足宜
用地黃丸補之若在乳下當兼補其母更以軟帛緊束
其首使其易合皆虛火上衝當調補脾腎為善顛填顛
陷亦因所稟腎氣不足及乳哺失宜脾胃虧損所致夫
脾主肌肉氣逆上衝而為填脹元氣下陷而為顛陷也
並用補中益氣湯地黃丸及用狗頭骨灰黃為末以鷄
子清調敷顛門亦有瀉利氣血虛脾胃不能上充者亦

用前法若手足並冷前湯加薑桂未應虛寒甚也急加附子緩則多致不救

張渙嬰兒解顛顛不合顛填顛陷下不平皆由腎經虛熱宜用封顛散方

蛇蛻皮

一兩燒灰細研

防風

川大黃

濕帝裏炒煨存性


白芨

各半

兩

右件碾為細末入青黛半兩同研勻每用半錢以豬膽汁調勻用一紙顛子攤之四邊回合各留少白

紙用淡生醋麵糊貼額上不住以溫水潤動一伏時
換



證治準繩卷九十七